

^ 16
2493
6




邱海二公合集

和16
2493
10-6

6

門へ和16
額2493
葉10-6



丘文莊公集卷之九

宗孫鎮魁

賈棠青南

吳位和 吳必祿 何士瓚

焦映漢 雲濤 選定

吳纘 姪 符詩 馮廷瑛 重編

王贊獻甫

伍衡文 鄭應瑞 詹登翰

神道碑

進階榮祿大夫兵部尚書致仕王公神道碑銘

天地間有大義因循之久則沈鬱而不明必得夫身任天下之重者遇事激發之然後大明於斯世焉國家承平日久道協乎中治循乎軌大義非不明也然而因循之久恬愉之極馴至於已已之變公義鬱而至於晦也甚矣江夏

王公於是時奮不顧身以先天下世之君子汲於公有感焉是歲八月英廟北征有蒙塵之變景皇帝以親王介弟監國御午門左門六部并利道官交章劾王振誤國之罪帝曰卿等言是朝廷自有處置言甫畢百官皆趨進跪慟哭不起颺言曰聖駕留外庭皆振專權擅政所致若不速斷何以安慰人心錦衣衛指揮馬順喝逐百官公奮臂捩順髮嚙其面曰順平昔倚振爲惡禍延生靈今日至此尚不知警真姦黨也律有姦黨之條罪在不赦百官聞公言爭以手足捶歾順衆猶哭未退帝起入宮令太監金英問所欲言咸曰內官王毛二人者皆振黨請寘諸法遂從門

隙出二人衆又捶歾之百官乃再拜而退是月庚午也公義激於衷捐其身以爲天下明大義由是天下士大夫莫不曉然知公義所在而皆振作其氣以興起事功然而矯枉者或過於直以爲計而迄于今然則公之斯舉其世道升降之會歟公諱竑字公度其先江夏人曾大父諱景仕元爲水軍翼萬戶大父諱俊卿洪武中以軍功起爲福州衛百戶坐事謫戍河西遂爲河州人父諱佐俱以公貴贈都察院左副都御史祖母趙氏母周氏俱贈淑人公幼篤學有大度年二十一補衛庠生二十五以禮經魁陝右鄉薦明年禮部會試第五人賜進士出身觀政戶部連遭家

喪凡八年始授戶科給事中居官又三年適國家有北狩之變是時明興七十餘年承平日久一旦事起倉卒上下惘然罔知所措忽聞公有廷擊權姦之舉莫不驚駭既而事定人安公之名遂由是以起是歲十月北敵擁駕南還直犯都城景皇帝命都督孫鏗禦之于高粱橋分遣都督毛福壽高禮王敬王勇武興五軍策應之以公有時望命偕太監興安等督守九門或言福壽番將也非公不能鎮壓之乃陞公僉都御史提督各營軍務是時王敬等軍出彰義門爲敵所敗武興卒於陣內官有報效者或歿或傷四散奔還京都大震公督餘軍將往援之遇敵於菜市口

與之戰敵敗去放火燒廬舍公帥軍士撲滅之擐甲胄入朝而陳其故因奏高禮被創回營毛福壽不知所在乃命錦衣衛指揮呂貴制二營不許遠出既而有旨命福壽聽公節制敵尋遁去朝命孫鏗范廣統兵五萬追之命公與侍郎江淵提督其軍追至涿州與敵戰于祁溝敵敗去既出境衆議恐敵復來推公守備居庸等關景泰改元秋車駕南還公以疾乞還是冬用薦總督漕運力疾以行明年兼理巡撫江北諸郡時徐淮大疫民歿者相枕籍公盡所以救荒之術凡可以救一時之急者莫不畢舉既而山東河南流民猝至公不待奏報大發廣運倉所積京儲賑之

近者人日飼以粥全活男婦九萬七千七百餘人遠者量散以米全活男婦一百二十九萬四千餘人流徙者給以米以爲道食四千六百餘人被鬻者贖其人以還其家一千二百四十四人共用米一百六十餘萬石六月濱河有麥舟來公以官價易麥四千餘石分給軍民一萬二千三百戶擇醫四十人空廬六十楹處流民之病者凡活一千四百人歿者給以棺爲叢塚凡葬二千三百有奇公窮日夜竭精殫慮事事躬理有所委任必委曲戒諭出於至誠人人爲盡力或述公行事爲救災錄世傳焉歲甲戌入覲特陞左副都御史丁丑英廟復辟權姦用事左遷公爲浙

江叅政尋除名爲民還江夏居半年英廟於宮中閱景泰時臣僚章疏見公所上疏有正倫理篤恩義等語顧左右曰竑爲朕也乃命中官傳旨遣戶部官送公歸河州辛巳敵寇莊浪起公以舊官叅贊軍務公感激思奮聞敵犯靖邊之郭城公率十騎先馳會兵擊敗之明年班師仍命提督蘭縣以東一帶邊備尋召還人見英廟慰勞至再言者謂漕運自公後政多廢弛今西陲無事請命公往起其廢從之公奉命至徐揚老稚迎舟羅拜歡聲載道會旱公齋禱於神卽日江水泛漲公私舟楫通利人以爲忠誠所感甲申以科道會薦陞兵部尚書命下朝野躡傳天下想望

其風采公亦矢心思報疏條時政令天下邊將各陳戰守方略簡京兵復武學一切庶務以次脩舉時兩廣峒徭火肆劫掠北敵在黃河套時出侵寧夏延綏境民不聊生而四川德陽人趙鐸又作亂邊報日至公居中調度允合機宜而兩廣功尤偉蓋往時廣西猺獞惟犯廣東城邑斯時則越江西湖南界矣公因御史王朝遠建言遣都督趙輔往征之起都御史韓雍於浙藩爲叅贊凡軍中一切事公皆預爲規畫諸將奉之而行果能成功而還先是京軍統以五軍三千神二三大營有部分而無兵數天下莫能測景泰中用言者分爲十一團營營軍萬公疏請復三營之

舊使人不知軍數多寡因以革將多私役之弊不報會理軍職貼黃缺官公薦脩撰岳正都給事中張寧內批出一人于外公遂以疾辭章凡五上始允歸養病時年僅五十有三公抵家又二年上章請得休致公歸河州絕口不及時事惟日課童僕耕藝田圃以爲終年之計躬營兆宅自誌其墓且戒其子歿後毋循衆例乞祭葬以弘治元年十二月初三日卒于家計聞有司循故事爲請葬祭皆予之公配孫氏封淑人有賢行丈夫子八人曰純錄純曰約曰徽曰續曰纓曰綸曰繹經爲山東按察司僉事純錄用爲太學生續纓綸俱入太學公性剛毅少豪雋尚氣槩義所

當爲奮往直前生長西陲有志功名旣舉進士居言路見
事有不平者輒爲之扼腕不平自廷擊馬順後所至令行
禁止人望而畏之曰此樞歿馬順者公名自是滿天下然
亦以此得謗蓋順歿于衆手公特爲之倡耳二長隨之歿
則以平日巡視街道爲衆所惡乘間號呼出之非公意也
後有譖公者率以此爲激怒之具故公不盡其用云公登
第時年二十有六又八年始授職甫三年超拜都憲用僅
七年卽退退四年復起又四年致其事以去家居者二十
有三年計公平生爲朝廷所用者首尾僅十有四年公之
用雖不久而公之功在國家澤在生民名在天下士大夫

世有柄用四五十年者稽其成功或未能過之者也若公
者豈非一世人豪哉公之子經嘗從子學故公之行事知
之爲詳嘗記公歸江夏時經請子辭予寄聲請公閱漢書
張敞傳意公有復起之日也及公來本兵柄有事於兩廣
不以子迂僻凡有規畫亦使預知時兩廣守臣以賊爲諱
養成禍亂而同事者傾奪其位蓋各有失也公專主其一
遂致中忤所請多不遂又因岳張之出遂決于行然二人
之出意初不在公觀公袂病上章請老上屢遣醫治療及
章五上始得請可見矣公行時子適考士南畿歸復命會
公辭朝以故不及一言而別嗚呼豈意遂永訣哉子因經

請既爲序其事復繫之以銘銘曰

天地生人昇氣與理理具一心氣充百體心有所令體則從之把握運用弗假兵威烈烈王公百世之士理以養心氣以行義日擊姦兇心爲不平敢於公庭黨庇其朋怒氣勃然挺刃烏有旣粹以手復嚙以口臂指唇齒受命于心如發礪刀如出冶金雄名大義蓋于天下段笏罔功朱劔徒借天爲國家生此偉人人心以愜士氣以伸人人得誅亂臣賊子義切干衷曷論彼此彼何人哉黨邪害正弗竟公用匪公不幸偉哉是舉足蓋平生矧有功績赫赫可稱賑畿甸饑殍門庭寇坐計籌策躬

環中胃公用不久公功則多人來雖勝如天定何有寧其碑龜趺嶠首我作銘詩昭示不朽

都察院左僉都御史恭惠楊公神道碑銘

正統己巳車駕北狩外寇乘機犯我畿甸時廣東左叅議楊公坐事居京邸朝廷用言者起公守白手口是歲廣東都司囚越獄有司不能捕遂至肅聚守土者閉門自守名邊將禦之至則爲所敗報至京師廣人士寓京者聯名上章乞公朝命授公都察院左僉都御史乘傳往至則廣城被困者數月矣城中軍民喁喁然朝不謀夕見公至始有更生之望先是民之居鄉落者避亂趨城至則閉門不納

及歸盡爲賊所戕脇從者日益衆公下令有司用木爲牌任民從其出入又榜示於外遣官招撫之於是歸附者日以千萬計賊勢日孤公偵知其有嚮順意遣使往諭之賊首黃肖養曰吾輩得楊大人言歿不恨矣尅期來見賊果至公毅然欲往藩臬以下皆沮其行曰賊意叵測奈何公曰吾以誠待之母慮也公山見賊羅拜泣下公諭以禍福且示以更生之路賊衆以六魚獻公受之不疑遂謹彙而去期以再會未幾董都督視大軍至賊遂中變歲庚午三月五日有大星墜于城外對岸之河南十二日質明都指揮姚麟者來白事公出與之語姚旣出公忍病作扶入

臥榻卽呼其子玘曰我歿矣不能終始王事知我者其天乎語訖瞑目而逝城中居民聞公遂信疑相半旣得實爭走哭館下雖老嫗稚子亦至失聲滿城縞素具牌位哭奠者相屬陷在賊中者聞之亦曰楊公歿吾屬終無生理矣訃聞天子悼惜遣官諭祭如禮公卒後僅閱月大軍卽平賊凡賊所經之處盡屠之民受刑者輒仰天號曰使楊大人在吾人豈受此禍哉旣而耆老黎善聚等赴京乞立公祠從之事下爲忌者所沮忌老旣去有司始立公祠于廣州府城隍廟之旁水旱疾疫必禱焉民有事訟於官不得其平者輒具詞焚于祠下廣人至今過其門者輒舉三加

政嗚呼古所謂生爲豪傑歿爲神明者公非其人耶公諡
誠字信民紹興之新昌人也少遊鄉泮領永樂庚子浙江
鄉薦宣德庚戌由上舍選工科給事中丁內艱起復改刑
科正統癸亥吏部尚書王文瑞公薦佐廣藩陞辭受旨許
以言事公旣抵任時按察使郭智奉敕整飭兵務事多自
專公首疏其不法事郭遂去任而黃翰來代之黃所爲益
甚公復上疏發其姦詞連僉事韋廣廣亦誣詆公俱逮下
獄公就逮啓行時廣人爭攜金帛就舟相贖公一無所受
而黃舟則爭以瓦石擲之旣至法司鞠得實黃坐除名凡
奏公他事皆涉虛惟鹿鳴宴簪銀花一事行勘尋白廣之
軍民狀公德政相率赴三司保畱乞備其事上聞亦有跋
涉萬里直詣闕庭者前後以數千計及公在白羊旣受命
邊城官軍不忍其去亦赴官保畱之公之所至得人心如
此公宅心仁厚見人有患難不啻在己汲汲然爲之惟恐
後疾惡太甚見人有不平事輒扼腕爭辯用是見疾於人
方在學校時見濟類有過舉者輒切切不置及有當爲事
衆方推避公卽奮先爲之人多以矯激冒之久之見其事
事皆然亦皆帖服葬母時倩夫舁塚石每夫公代其舁數
百步人遍乃止或曰何自苦如此公曰葬吾母而專役他
人於心安乎居家時聞鄉鄰兄弟有不睦或構訟者輒至

其家勸之不從明日復至人雖拒絕之不厭也必從而後已邑有朝妃渡每歲爲暴漲所阻公率衆督工堰石爲步至今行者過之必曰楊給事中力也官禁近時嘗一奉敕整點江西軍伍所至求民瘼除宿弊事竣回條上所詢民情五事皆當時急務及佐廣藩善政在人者尤多方是時承平日久禁網疎闊嶺海之間民物殷富仕者類以黷貨殃民爲常事上下交征恬不爲恥公至一以廉潔爲心而凡事行之以寬公退之暇卽出公署門徐步街衢間詢問父老以民間利病反覆欵曲必得其情而後已嘗有民以公事至長藩者欲訟諸獄公曰彼無罪姑遣之去至期自

來可也長曰彼無保認者公曰僕保之民感公恩信縱之去至期皆自來公爲政所以感人心者大抵此類也嗚呼今世之爲政者豈復有如公者哉公卒後二十年是爲成化己丑朝議凡大臣有功德在人者皆加諡贈賜公諡曰恭惠又七年公之鄉人王淦者仕爲昌邑教諭始介其鄉人禮部侍郎俞公欽僉都御史丁公川屬予紀其行事將鑱于石淦少嘗受業於公念公平生志節不下古人特以居官清白身後無贏餘至今墓石未立恐遂泯於世也子出嶺南知公事爲詳特以見屬謹按狀新昌楊出漢太尉之後世居其邑之彩煙山曾祖
祖
皆不仕父文言

以公貴贈給事中母丁氏封孺人公生洪武庚午月
日享年六十有一歸葬於本縣上王山之原配石氏封孺
人子男四玖瑄琬瓊玖以公廕錄爲國子生任桃源縣丞
女一適張斐子也於公嘗有一面之雅而於鄉邦之受惠
也亦未嘗不與焉矧以紀事爲職業無溢之請恒欲書公
之績以傳於世况重以溢之請乎既紀其實復系以銘
楊公烈烈特立揭揭惡彼沓沓不茹不吐何懾何懼靡
追靡拒介而能通拘而有容隨而不逢生爲正人仕爲
直臣歿爲明神愛而畏之思而企之廟而祀之德則有
矣名則久矣歿則不朽矣

浙江按察司副使陶公神道碑銘

天下承平日久變起倉卒智者不及謀勇者不及禦有能
奮身其間以爲民蔽繼之以歿卒能作吏民之氣以收遏
絕之效其功顧豈小哉當宣德正統之盛大江以南民不
識兵也久矣歲戊辰劒寇起于閩既而括寇相挺以起猝
然竊發如風盛火猛延燎于枯草燥荻之場無有障蔽限
隔之者當是時郡縣密邇于寇者其民蓋岌岌然矣一時
官吏罔知所措往往驚畏走避雖以朝命將領亦皆觀望
以爲進退無有止一定之計決必然之策者而浙江按察
副使陶公者獨能以身嬰賊鋒而歿之嗚呼豈非毅然大

丈夫哉公始以易經中廣西鄉試第四人以親老愿仕遠
方得交趾某縣典史改鳳山縣時黃忠宣公兼掌藩臬司
事知公有學行俾掌諒江府教授事秩滿陞按察司檢校
丁內艱起復改山東憲司未幾按察使虞公信以有守有
爲堪任風憲薦公起至京師試如所舉擢大理寺右寺評
事尋用戶部尚書劉中敷薦超拜浙江按察司僉事會倭
寇犯邊公以計殲之朝廷有綺段寶鈔之賜至是寇起處
州將薄金華衆議曰蘭溪乃賊所從出之路蘭溪不守則
兩浙震動矣陶僉憲有謀略非得之以遏其衝賊不易弭
也公至蘭溪首率民壯因故城址立木柵晝夜警備又於

縣南五十里立山足蘇村太巖諸寨以扼其要害屢用計
略擒賊黨數百人聲震遠邇賊不敢犯境百姓爲之歌曰
僉憲陶公賊聞震驚始爲民思今則逃生由是諸邑晏然
而鄰境亦恃以無恐時總兵官都督徐恭尚書石璞等屯
師日久賊潑人險阻乘間時出官軍詎知又復遠遁撫捕
之計皆莫知所施會議遣藩臬臣僚一人抵賊巢招諭之
莫敢行者公毅然請任其事至則感之以誠諭之以理賊
首葉宗雷陳諫胡等環聽竦動咸翻然悔悟率其黨出降
朝廷嘉公績陞本司按察副使仍守金華賊黨陶得二者
尤號桀黠嘗僞以名降總戎諸公授以冠帶俾招其黨得

丘文莊公集 卷之九
二殺使者不受招官軍莫能制公以計用賊之來降者殺
得二黨前後共數百人生擒百餘人而來降者又三千人
得二僅餘四十人溪遁山谷中其勢日孤指日可就擒矣
同事者有忌公成功而沮抑之者公計不得行賊勢復起
公與都指揮崔源往武義謀所以備禦之者至甫數日賊
至矣武義無城惟水爲柵時兵民無幾而賊勢張甚或勸
公稍却以避其鋒者公嚙齒厲聲以諭衆誓不與此賊俱
生旣而賊近城公麾兵極力與戰自卯至申俄而城中火
起蓋賊有潛入城爲內應者衆回望見火起遂大潰公竟
歿之時景泰元年五月十七日也公時年六十有一兩浙

人聞之如喪其親戚諸郡縣皆遣人致奠蘭溪民相率言
于憲司塑公像立屋祠之又各出已田以爲經久計事聞
朝廷遣官諭祭誥贈公浙江布政司右叅政官其子魯新
會縣丞公諱成字孔思西廣鬱林州人也會祖諱某祖諱
某父諱某母鍾氏公五歲而孤與兄祖弟源相友愛娶某
氏繼某氏生子三人長卽魯次然魯以公卒之某年月日
歸葬鬱林之某原厥後都御史崑山葉公盛巡撫兩廣復
以鄉人意立屋祠公於鬱城如蘭溪云魯累官廣東按察
司僉事以公墓道之碑未立徵文於子子惟自南方有事
以來歿事之臣爲國家所旌褒者僅四人其三人者子皆

有所紀述獨於公缺焉矧四人中公與二人者皆出吾嶺南子叨官太史表忠義以翼世教其職也重以僉憲公之請何辭以辭嗚呼風霜別草木之性禍患顯忠臣之節自古歿封疆之臣多見於季世擾攘之秋而此數公者獨能於四方無事之時一遇倉卒之變以身試之使徂安久豢之士夫知所感發興起事功以救生民之禍成安集之功而公於衆人中又獨爲之帥先其功蓋莫大焉是宜表著之以爲世勸所謂三人者永豐知縣鄧公顥歿于閩寇慶遠同知葉公禎廣東憲副毛公吉二人皆歿于廣寇顥與禎皆廣東人吉則浙人也其少義與公同於法得牽聯書

銘曰

四歿國之臣多在末季公獨歿義於承平世奮其一身爲民屏蔽我衆雖有匪怯則脆一聞風聲晝掉夜悸鼓不能起不待金退四無救援百莫可恃所恃區區曰忠與義公惟一身以歿自誓食君之祿豈無他輩所以全身亦豈無計公之此心則不在是受人之祿則歿其事身雖漸盡心則孔熾以我之歿作彼之氣彼弄兵者獨非人類亦或因之革心易志天理民彝於是乎至往古來今孰能百歲爲臣歿忠於天無愧帝誥以褒民廟以祀芳名流傳百千萬禩史臣作銘昭告來裔

哀辭

陳莊靖公哀辭

我太祖皇帝始簡儒臣入內閣司王言遂預機密故事非負宿望通經術有文藝者弗得與列聖相承率用翰林儒臣爲之其選至嚴也一時臺省臣僚雖有奇才異能亦皆安然遜避不敢萌毫髮覬覦意近世乃有以攀援來自他途者於館閣故事多有所更革幸而褻齋先生由官端復歸禁林稍稍復其故衆方欣幸之而先生不幸以歲戊子四月丁巳薨於位於乎惜哉衆皆爲辭哀之子亦附其後辭曰峩峩禁林距天咫尺地密勿代王出言居帝左右預

機密匪徒用文實以道德任輔弼古相之權隱然寓中泯其迹默契潛孚啓沃一人化八極百僚具瞻禮接情通不赫赫匪德匪望匪有文學曷以入惟公挺秀生自廬陵忠節域高科盛名簞屬史館任方伯英皇當宁侍講經幃多啓迪簡在帝心復位之初首詢及起身外藩入長宮端率羣職進握樞機寵以嘉名進清秩領袖羣仙闡明經訓正史筆衆方翹翹期以壽考永終吉天不憖遺一疾弗瘳遽終畢訃音四聞九重震悼衆於邑矧在官聯清言光範日延挹曷寓我哀效古陳詞寫曾臆

蘭湖先生哀辭

嗚呼科舉興而草澤無逸儒儒之書如五經四書非不盛行於時然而孜孜講究者惟用於文詞以假途榮宦不仕而能究心於聖賢之學者蓋亦鮮矣若蘭湖先生夏良輔者豈非世之絕無而僅有者歟先生名相餘姚人宋文莊公竦裔孫生而天資近道年十六七卽慨然有志於孔孟之學年益長於道若有所得謂學孔孟者當自朱子始朱子平生著述雖多其大且要者論孟集註學庸章句或問四書而小學一書又所以立大學之基本也其言明白雅馴初非難曉者而初學之士或不能以的然無疑也於是本先儒之說而附以已意文以淺近之言名曰四書小學

便覽或爲之梓行予得而觀之歎曰草澤之中科舉之外世乃有斯人耶後獲與其從子刑科給事中時孟寅同舉進士選入翰林爲庶吉士孟寅每爲子言先生之爲人凡其居家庭處鄉黨所言所行可稱述者非一又知先生於聖賢書不但訓其義說其理而已於是益歎世之如先生者何其少也未幾時而先生捐館舍矣於乎而今而後豈復有斯人哉乃爲辭以哀之辭曰受元陽兮明以清承貞則兮順以寧儼古道兮在躬不及汲兮利名世紛鶩兮詞藻羞獨畱心兮聖經邈其源兮洙泗戒途兮紫陽之庭慨斯世兮鮮儷冠玉蓉兮佩紫衡思其人兮何所虞山峩峩

丘文莊公集 卷之九
今舜江冷冷氣雖云散兮名弗可滅後千祀兮其人如生

彭處士哀辭

吾友彭彥實聞其伯父東軒先生之訃命予爲之哀辭予於先生無一日之雅哀心何生哉昔程伊川狀明道之行謂識與不識者莫不哀傷夫識者哀之固也不識者哀之何哉噫其必有不面而神交非情而義感而出於聲音容貌之外者矣故不辭而爲之辭辭曰維少微之垂光分于吉之野有美一人兮隱居其下葆醇熙兮服儒雅環畢之人兮薰德以化德不形兮知我寡山椒水滸兮以遊以治水可釣兮田可稼愬風流兮心獨寫宜壽考兮介純嘏呼

胡爲兮天不假生教于鄉兮沒祭於社嗟若人之雖亾兮
中有存者

祭文

祭西昌蕭先生文

於惟先生一世令則出處關世道之升降言論示學者以標的其在太學也示教以身愛人以德文不取奇學必先識其在內閣也代言必醇秉筆必直言不苟同事多裨益民方荷其陰受之賜士多賴其提掖之力胡姦人之詆誣乃無事而生隙仁賢盡爲之掃除氣勢亦隨之蕭索或伏歐刀之慘或受邊塞之謫幸其善念不至於盡忘猶俾先

生全歸於鄉宅嗚呼彼獨何心肆行冒臆貪天之功空人之國嗟所得之幾何流惡聲于無極天有時而終定人至靈而難惑天目一旦開明曖昧于焉昭晰乾元奮獨斷之剛雷雨霽作解之澤小者以起疑者以釋雖先生之身不幸溘然先逝而先生之心則既坦然明白嗚呼一自先生正容易簣士氣日淪於卑卑事勢日陷乎岌岌講經者穿穴出於大道之旁擗辭者雕刻壞其本然之質道德分裂鬼怪百出是則先生之出處存亡關乎世道之盈虛升降之消息念惟小子生於遐僻一經品題遂爾趨軼念誨育之如昨緬儀形而不忒心常切於几筵跡久拘於仕籍期以歸省道經貴邑具一辦之心香洒兩行之清泣曩守以以南還拘於禮而未克茲免喪而北山謹陳辭而寓感如佳城而致奠報殊於萬一伏惟尚饗

祭韓都御史文

嗚呼自古及今人才之生口德曰才爲賢爲能位皆隨時而可致望非積久而不成所謂望者必由歲月之積累夫豈旦夕之經營良以國家用之而屢著其效遠近聞之而皆識其名如久旱之雨人望之而知其爲澤如積陰之星人見之而知其必晴其處也如在山之虎豹其出也如逐雀之鷓鷹用之固足以成天下之事不用亦足以繫

之情泛觀一世斯人無幾公其庶乎今又已矣公年弱冠
卽振風紀僅及立年遽總憲體首按江西令行禁止如霜
之嚴如風之靡再殿嶺南民安盜弭如防斯過如水旣沉
禁葦之政在江人口耳保障之惠淪廣人肌髓聞之者膽
懾見之者氣餒轟轟然於一世之依阿昭昭乎於衆人之
譎詭以此致譽亦以此致毀喜固以此怒亦以此嗚呼自
古聖賢亦或如此人之小人天之君子天乎天乎盍緩公
歿才之生也固不易哉望之成也尤爲難爾已而已而九
原莫起更幾何年有此英偉嗚呼哀哉哀哀曷已哀雖衆
同痛實切已因令子歸緘辭千里英英之靈庶其鑒只尚

饗

祭周廷參編修文

嗟嗟廷參謂君不壽耶則已年踰四旬方之顏子固爲過
矣謂君爲不貴耶則官居七品方之王令固爲多矣所可
恨者七旬之父垂老六尺之孤尚稚學已優而未得可行
之位以濟時道已明而未成一家之言以傳世善人命薄
從古則然彼哉何脩富貴長年豈見德於人者顧得罪於
上天天道茫昧無從質焉嗟嗟廷參天也奈何考其平生
樂少若多雕肝鏤腸以爲文章特施之於風雲花草未見
用於清廟明堂矩行規步以端操履特稱之於親舊僚友

未見知於秉鈞當展嗚呼士之不遇乃士之常今雖未達
後尚可望惟未下壽而遽歿在善人則深爲可傷然反於
心苟無愧則命雖短而若長百歲亦歿何以較量某生嶺
南君居浙西均擢鄉魁均游虎闈繼入翰林又爲寮友每
聞君言如飲醇酒觀君之持守莊重步履舒徐但私心之
竊念是皆壽考之符豈意以繁言之故遂歎恨以長歎嗚
呼哀哉嗟嗟廷參何至於斯天耶人耶尚忍言之河不旣
解旅櫬載歸臨行致奠聲吞涕垂尚饗

祭吏部侍郎楊公文

嗚呼先生人中之鳳文中之虎其人則今其道則古一宗
之父子兄弟濟美聯芳一世之經學文名蜚聲獨步屢紉
金匱之書專掌玉堂之署擢貳天官之卿兼處宮端之副
於德可謂不孤所志允爲無負所惜者澤未洽於黔黎恩
將推於祖父前朝之史垂成當寧之眷方注胡一疾而不
起動四遠之哀慕喪我良朋居然寡助幸而後歿行將歸
去率僚屬以酌一觴表平生之衷懷尚饗

祭姚江戚編脩文湍墓文

嗚呼文湍剛勁之資豪放之氣高誼激切直上薄於雲天
巨眼空闊每下視夫塵世凡衆人之嗜好不足以動其心
舉一世之交遊少足以當其意於人之惡雖若不容於人

之善未嘗有忌時發驚筵之辨臧否罔不稱情間有罵座
之狂毀譽皆有所試醉言無異於醒面質不違於背有憤
世嫉邪之心有勇往敢爲之志嗚呼文湍之爲人殆古所
謂陽必剛剛則必明而異夫陰必柔柔則必晦者耶僕也
於君若有夙契特於衆人之中假以一頭之地始落落而
難合終惻惻以交勵奈何用之不盡期而未遂命與心違
中道而逝老我後歿餘二十禩孰知冥漠之魂猶有舊交
之誼老妻北來舟次江滌夢中彷彿如見報以風濤將至
預告以期使知趨避既而果如所言幸免顛躓嗚呼文湍
人傳君之爲神涖胥濤而享祀卽今所至而徵之無乃差

司去江湖之專原其神之所以有靈政由其心之無愧氣
之衆也旣落落其不凡氣之散也尚昭昭乎不昧其生也
不盡用於明時其歿也乃見錄於上帝嗚呼文湍友道之
廢也久矣曰友曰朋如兄如弟指金石以爲期刑雞犬而
設誓覆首稍殊情態頓異雲泥隔則易交勢位軋則相忌
對面如九疑之峰跬步有千丈之勢火炎炎於顯盛之時
冰清清於困窮之際半臂纒解遇諸途遽轉面而過宿醒
未醒踰其闕卽膽口以刺過門不入室又爲操戈之舉落
筭不援手忍施下石之計覩其身也遑卹况伉儷乎生爲
人也尚然况下世乎文湍始終無二心生歿同一致不忝

爲聰明正直之神真可謂英邁傑特之士細想舊游稠人
廣會一飲百十鍾揮毫數千字故卽平生之素好用答故
人之陰惠詩以寫不盡之情酒以侑有從之淚具別紙以
焚化就宿草而澆醑伏惟英魂如在來鑒於是不鄙人世
之凡言特歆御醒之醇味嗚呼痛哉尚饗

祭妻弟金鼎文

嗚呼鼎乎其何以歿乎天賦汝以清粹之資不宜歿也帝
降汝以聰悟之性不宜歿也心孔仁而不傷乎物不宜歿
也學方進而未底於成不宜歿也不宜歿而歿之豈非命
乎百年之宗祀傳於汝不可歿也千金之基業屬於汝不

可歿也父已老而望汝以養不可歿也母已逝而冀汝以
承不可歿也不可歿而歿之豈非天乎天乎命乎無從致
詰天不可謐命不可必靜言思之我心如刺想汝平生之
音容念汝平生之恩義愛我敬我情過兄弟盡心教汝期
以有成誰知老天不從人欲姊兮旣亾弟也隨歿一雙愛
刃併割我腸我猶云可汝父可傷有屋渠渠誰其與居有
田畝畝誰其菑畬空一生之辛苦竟今日之何如嗚呼鼎
乎汝其忍棄我而去九泉之下儻逢汝姊應道我之傷心
情切切而不已憶其臨終之言頻囑我以覩汝今也汝亦
繼亾我欲報之無所茲者試期已逼我欲北行不能臨窆

以上集公集 卷之九 三
以盡我情聊寫斯文以表我哀嗚呼鼎乎尚鑒此哉

邱文莊公集卷之十

宗孫鎮魁典籍

賈 棠青南

吳位和

吳必祿

何士瓚

焦映漢雲濤選定

吳纘姬

符 詩

馮廷瑛重編

王 贊獻甫

伍衡文

鄭應瑞

詹登翰

五言古詩

古意 三首

千金買寶刀 百金買角觶 寶刀頭有環 角觶能解絲 慙慙寄遠人 用以慰所思 所思不見察 幽獨甘自怡 客從天上來 贈我雲錦章 五色光奪目 上有雙鸞翔 秘之不自用 篋笥謹什藏 幸然遇良工 爲我裁衣裳 結以紫霞

綬佩以鳴玉璫服之朝九重文采何赫煌盛服今所尚令
德古所藏珍重鵬鵠詩三復不敢忘

逝川無回流落日不再午人生百歲間役役徒自苦朝爲
樹上花暮作花下土去住無常勢奄忽成今古反袂問蒼
天天乎奈何許

感興

人生會有老老至不自知壯心恒未已外貌忽已移青青
巾中髮俄然成素絲灼灼鏡中顏忽覺如枯梨盛年不可
恃行樂須及時有酒且痛飲不醉將奚爲

天際多剛風滄溟隔弱水相思不可極之子在萬里萬里
各一天恍惚在我前區區倘見察敢不輸中唱

過友人園居

愛此林泉勝載酒時來過芳樹發春華方池激清波嘉魚
爭出躍好鳥鳴相和天氣旣已暄景物亦已多主人雅好
客相對酬且歌歌竟各歎息人生能幾何

夜坐和曲江感遇詩韻

空齋坐幽獨夜氣澹以清冥心古聖賢悠哉怡我情天機
一何深神理亦已精云胡契其妙勉旃惟思誠
鳳凰翔千仞枳棘安足顧一朝覽德輝棲止梧桐樹飛鳴
恒自由羅網豈能懼三靈爲我儔百鳥莫子惡笑彼冥飛鴻

猶爲弋人慕

南極有名相風度難得鴟梟羣刺天孤鳳戢其翼韶石
佳山水因之增秀色班班青史間流譽靡終極莊誦感遇
詩臨風三歎息

溪源無淺流高樹無卑枝人生天地間奮發須有爲不見
東注波逝者恒如斯心中苟自盡意外非所知嗟爾匹羊
者紛紛多路岐

擬古 四首

江南秋風至草木變焜黃淅淅吹妾衣使妾增悲涼悲涼
知爲誰良人在沙場暮聽邊馬嘶朝看邊雁翔饑餐風中

風渴飲雪下漿羊角衝地起沙礫爭飛揚回首望故鄉長
天但茫茫豈無肥與甘亦有衣與裳妾心空惻惻路遠莫
寄將北望長太息涕淚如雨霽幾欲往從之河廣無舟梁
仰天籲上帝矢志心期不忘但願南風競吹君來妾旁

客集高堂上衆味羅珍羞觥籌互交錯樂矣忘其憂清醕
飲桑落妙聲發吳謳寶臯噴清煙芬芳襲輕裘肥臙正厭
飲文錦何溫柔獨念良人苦遠戍陰山頭黃茅連白沙風
雪寒颼颼凍雀飛不起依樹鳴啁啾馬毛縮如蝟髀肉脹
生周羔裘煖如烘漣酪清如油君身千萬艱妾心千萬愁
夢寐或見之道路阻且脩願言早成功諸將各封侯良人

章章來紅日照九州

依依重依依不忍生別離
別離已可悲况值秋風時
柳衰不堪折情苦不堪說
願妾爲小星君身化明月
明月貼天飛小星恒相隨
月出星隨出月歸星亦歸
莫學秋日妻相逢不相識
生者固可慙死者亦何益

白日日已晚行人日已遠
秋風又重來行人猶未返
颺颺朔風寒行人衣應單
世無杞梁妻千載徒悲酸

秋興

秋來百蟲號各自悲其生
物情尚有感况乃骨肉情
幽幽堂背花歲晚雪色零
忘憂更不忘日夕憂思增
嗟爾客遊

子胡爲常遠行

孟秋雨初霽虛館生晚涼
悲風振木末激烈流清商
寒蟬抱葉悲哀鴻叫雲翔
蚯蚓出其竅蜘蛛鳴在房
螢螢鳴我前蟋蟀鳴我旁
物各感其時豈必皆不平
而我於此際兀然坐欲殭
凄然動我心冥思搜枯腸
壯哉秋聲賦三歎思歐陽
蘭臺一何卑戚戚徒爾傷

小景

川光涵遠空山色淡平野
危樓夕靄間高樹涼雲下
久客厭塵紛羨殺舟游者

送廣東夏康憲

上元縣志卷之十一
四十一
當宁念遠氓塗炭日以極詔東在廷臣往振風紀職僉曰
御史某秉德剛且直屬耳按江右風聲甚輝赫兵政旣以
舉吏弊亦以革謠言聞遠近公論推第一無如斯人可拜
手答明敕天子曰命哉趙授三品秩天語重丁寧綸命光
烏奕百僚無間言相見咸喑喑而我嶺南人喜幸倍千百
預爲鄉人喜從此得蘇息特恩許乘傳陞辭行有日走也
官禁近早有半面識中心久有懷臨分忍緘默聊爲陳本
末幸與垂采擇惟茲東廣地富麗自古昔秦初已內附漢
後益廣斥東西數千里十郡六十邑衛所錯其間小大五
十七憶昔全盛時承平久寧謐家家有蓋藏人人各安適

土著少流徙世業足資給士族尚詩禮農家務耕織先期
輸賦稅俛首供力役民不受箠楚兵不識鋒鏑行旅不齎
糧遠出不待吉昏夜絕剽竊歉歲無行乞况復天氣暄地
利多所獲三冬著苧衣五月收新植山畚少汙萊水田有
潮汐舟游泛滄茫火種燒劣崩曉包趁墟飯晴著登山屐
海錯富蚌蜆家畜剩豚駝文本生山林珍貨來番舶荔奴
然火樹橘柚垂金實間有食素封田圃盛嘉植愛身寧破
產終訟羞珥筆遐邇總安恬公私舉豐殖邈彼廿年前長
吏恣胷厚利動其中甘言誘其側欺彼民柔愚藐茲地
遐僻遂決禮義防大肆搏噬力把臂褫其衣抉口奪之食

溪壑填不滿氣燄撲難熄上下相師成前後遞沿襲豈云
無鷹鷂方自爲蝨虻天門遠萬里無地訴冤抑致令仁厚
性化作兇險質弄兵潢池中延息苟旦夕外邪尋卽除中
虛遂成疾蠢茲洞中猺窺伺乘間隙始惟掠近地稍稍出
復匿迹彼素脆悞頓異戎與貂制伏本非艱而我狃安逸
武胄恥言兵文吏諱申賊縱虎出薄林延鬼入居宅路有
橫草虞關無一夫搯長驅捲村落乘夜盜城壁豈彼智有
餘乃我法不立歲歲轉猖披邊境遭輔轢脅從日漸多徒
類日增益居民就流散人烟渺蕭瑟已身不自卹何暇問
家室田蕪乏犢耕井渫無人汲萬家春草青一望秋地赤

禾麻種殆絕雞犬聲亦寂昏雨鬼火青涼月灰骨白內地
幸苟免因之困供億相扇咸弗靖濡沫聊戢戢方今堯舜
朝大臣總臯稷萬國俱時雍一方獨艱阨九重赫然怒遣
將擣其裔天道信好還王師本無敵鼎魚姑假喘穴蟻難
藏迹行當見掃平腥穢永蕩滌却愁火燃岡岡辨玉與石
嗟爾嶺徼人懼此殊可惜賈父來每晚謝令去不亟由來
非一朝往者何嗟及幸茲天日開光景方昭熠草木回生
意山川增秀色福星離紫垣甘雨隨舟輒指日下須江持
節鎮南國先聲一以聞父老懼以泣迎拜古道旁應以手
加額願言明使君代天布仁德爲我招殘魂爲我肉枯骼

爲我作保障爲我剪荆棘爲我開喉吻爲我插羽翼醫我
眼前瘡除我腹中區我寒衣以裘我饑食以粒生者受我
塵歿者與我裨一夫或失所孰非使君責使君今已行行
行去須急齊民正倒懸異類尚反仄如病望醫師如旱望
雨澤寄聲報吾人此公古難得瘴海行將清貪泉不能惑
佇看凋弊區復作全盛域

雜詩

義馭行太空海宇仰其光咫尺滄海隔羣鳥集扶桑乘時
競奮飛引脰鳴朝陽衆鳥欣有託後先低回翔冥鴻弭孤
影四顧慙且傷

南國有珍木中含要妙音匠氏一顧之斲削爲素琴絃以
朱絲絃寄以太古心時時橫膝上山水託意深別鶴爲翔
舞游魚躍幽沉云胡世俗耳不如魚與禽雅鄭竟莫分吾
心安所任

冀北產良馬未必皆駒駘乘之惟其良何必以地拘我聞
開國初羅鬼生龍駒貢之入天閑用以駕鼓車疾徐皆中
節步驟何雍如紛紛內地產不能竝馳驅安知今所良在
昔非其駑按索久成俗誰爲焚其圖世無九方臯歎息還
椰榆

秋懷

草木忽變衰惻然感我心鳥飛日向暮豈不懷故林闔人
日以多涉世日已深高官世所慕直道古所欽青青海中
山層層山上岑行行卽可到決意須在今有山不歸去何
勞憶山吟

送劉紹和還南京

交游徧寰宇契合無幾人駸駸入老境落落星在晨鼎鼎
百年間會晤能幾旬况復限區域世務縈其身久別喜相
見見疎情轉親俄頃又復去寧不合酸辛緬懷古賢哲未
必生同辰道同心自契千里如比鄰溶溶天上月湛湛空
中雲舉目卽見之光景常如新

劉草窻輓章

劉均癖於詩老大意轉豪舉目一世空振衣千仞高左顧
少陵杜右盼彭澤陶瑣瑣兒女語咕囁徒嗷嗷仰天肆大
嚼對客揮長毫劑量古與今鍼砂詩與騷一一中膏肓豎
子焉能逃惜哉抱所見白首竟莫遭已矣勿復道落日悲
風號

兀坐有感

兀坐一室中蕩蕩天地寬坐看百世上宛在瞬息間開眼
無間隔身如生羽翰頓然忽有悟不覺喟然歎女織爲我
衣男耕爲我食豈但我一身全家賴資給我身乃大蠹何

以上文集
卷之十一
八
以報天德

送鄭通判還襄陽

我昔游新河君時猶未冠有如金在鎔氣燄已光爛京華
再見之風采殊舊觀青松旣出壑勢愈凌霄漢對庭違風
心佐郡試新宦政聲如江湖日日臨堤岸况當有事秋一
日百趣辦事機紛以沓無不迎刃斷驥足雖可展猶自困
羈絆去去宜努力莫起賢勞歎時方需異材九重正宵旰

送蒲進士赴鉛山縣

科名進士重仕宦宰邑難羨爾英妙姿致身青雲端牛刀
初小試遽爾涖劇繁一朝謝師友莞然吏民間衆目胥朋
明萬口譁以謹寒者待我衣饑者待我餐晦者賴以明鬱
者賴以宣一身百責萃事事來相關所貴各當理事安民
斯安况當江閩交孔道多往還一事胡可苟頃刻寧暫閑
時時懷隱憂念念斯民艱民乃吾子姓財乃民腎肝民身
卽我身心肉何忍剜聖朝待士厚發策親臨軒何以報國
恩民者君之天愛民卽愛君慎勿忘斯言

聽琴爲柯狀元乃尊作

幽人事佳趣開軒對陽明興來拂瑶軫暢我平生情心中
有真趣指下無繁聲上弦叶風薰下弦諧鳳鳴坐覺曾襟
開塵滓頓以清紛紛濁世中入耳皆琵琶何當謝塵務枕

流階下聽

題畫爲蕭考功作

愛此春山秀微雲淡悠悠蒼松俯溪澗翠篠媚清流結屋
者誰子獨占雲山幽抱琴循側徑引領仍歸舟歸舟天際
來何時經丹丘丹丘多羽人爲問相見不

春景

入夏草木長林壑迥幽雅雲際川光浮石罅巖澗瀉誰當
三伏中高會江亭下倚席和棹歌縱目極平野鷗波浩蕩
間羨彼舟游者臨淵空有言結網人何者

夏景

題竹送高博士使高麗

青旌懸翠旄龍箏綴鳳尾持出大明宮搖搖向東指氣節

橫九秋風聲揚萬里坐使三韓人快覩古君子

擬古樂府

採蓮曲 二首

蓮花紅蓮葉碧紅似妾容妝碧如妾裙色輕紅易落碧易
衰情人道來竟不來停棹轉棹日過午藕絲斷盡蓮心苦
荷花香荷葉長紅妝奪儂目綠刺牽儂裳纖纖玉手搖蘭
槳傍葉看花恣遊賞須臾採得滿船歸一曲清歌隔江響
採蓮採蓮難療饑不如採桑堪作衣

搗衣曲

涼颼透窻紗蕭蕭弄秋色妾在江南尚不堪况君遠在陰

山北風吹妾衣寒妾念君衣單起來搗衣明月下不辭簪
力摧心肝一聲孤悶添兩聲雙淚墮三聲四聲情轉多無
數離愁槌不破須臾搗到千萬聲中有萬恨千愁并不知
遊子在萬里今夜魂神寧不寧

對酒行

我有方寸地中涵萬古天幾回欲施布地步狹且偏起來
行摩挲天地萬物如我何天地苦不寬萬物苦不多滄海
沿蕩蕩而豈蠡能測碌碌伯倫筆何止容數百欲作郝隆
晒却恐金烏歛彩陽光敗欲作仁裕洗却恐天吳震懾波
濤起韜鋒晦迹且隨時磊磊落落徒爾爲不如放出別腸

三百文停蓄丹田爲酒池甕頭飲醉甕底臥開口笑歌
手和倒囊傾出千黃金鑄取仙人劉白墮

短歌行

一日生一日落明日不如今今日不如昨短歌行聲苦惡
人生行樂須及時腰纏何必揚州鶴

花游篇

雲樓霧閣溟濛濛弱流萬丈號天風姓名久注丹臺裏浮
槎直泛銀河水凌空八翼飛天門若木不胥鮫綃裙天衢
空闊舒禹步俯瞰人寰惜丘墓一聲鐵笛下天來擬借重
湖爲酒杯珍珠落槽冰在枕雪兒歌唇玉奴板天邊一任

烏輪西拂塵掃石題復題鸞儔鳳侶隨蝶使爛熳芳遊日
三四醉揮彩筆掃雲箋試寫神遊八極篇

登高丘而望遠海

登高丘望遠海身居嶼壘間目極蒼茫外神遊八表縱大
觀氣噓千丈發長慨直從混沌鑿破初大徧虛空無盡界
天於子會開一元地自坤隅分兩戒山萬重水千派神禹
勞勞躬四載野外脩途七聖迷海上神山六龍戴波濤洶
洶泛蒼溟沙漠茫茫連紫塞豈不欲鼓枻登瀛洲却愁弱
水難勝芥豈不欲振策赴瑤池恨無神駿能歷塊不如振
衣千仞岡老眼空明無障礙近山列翠屏遠山抹青黛大

華三峰勢若蹲黃河九曲流如帶舜功封濬四海同禹蹟
平成萬世賴三十六洞天處處藏神怪七十二福地一一
異姿態驅山走海人雙瞳阻今爵古供一嶧山嶽降神生
異材景物因人成勝槩安期竟不來漢武空相待峴山依
舊存杜子今安在桂劍殊非昔日墳釣魚乃是今時瀨赤
壁人尋折戟磨浯溪客打殘碑賣往古來今倏成忽敗物
理不齊時光難再扶世教者何人歷變故兮幾代古蹟日
已湮昔人日已邁瓊樓玉宇不勝寒民墮顛崖苦凋瘵重
衾春暖夢無魚破釜塵生色如菜口談詩禮半盜儒醉擁
韜鈴多債帥惜時感事氣填膈以手撫摩聊一慨君不見

地爲輿天爲蓋人在其間稊米大分明芥子納須彌毛孔
真能容渤澥逐日何須隨夸父步地誰云有章亥請學尼

丘古聖神越過東山登泰岱

客有繪登高望遠圖獻鄉先達大司徒薛公既遠者故即

古樂府題爲擬此

浩浩歌

一室如斗大兩膝僅可容轉身若有礙奮志無不通玄宮
蓋我頭厚壤承我足前有往古過後有來今續藐然一身
天地間後萬萬載前千千所居之地纔數尺所主之世無
多年粵從混沌初開到今日生人何止千萬億醉生夢死
奄忽盡幾許名畱在方策上天下地往古來今散之萬事

收以一心浩浩歌浩浩俛仰人間發清嘯春陵南去是
昭滯荒天窮海誰能料

七言古詩

讀東坡詩

東坡居士真天人文章豪邁如有神光燄豈但長萬丈筆
端真可幹千鈞萬斛源泉隨地滾五盤明珠無定準虢國
夫人控五驢淡掃蛾眉却胭粉風霆熅歛一時來須臾雨
霽烟雲開虹收電戩星斗爛一天明月光昭回此翁落落
不可得謫仙少陵乃其匹小兒淮海秦少游大兒豫章黃
魯直前生自是永禪師後學宜稱韓退之玉堂金蓮不足

貴羅浮瓊海真瑰奇誰云賦詩不中和餘子碌碌真么磨
奢山至今草木枯五百年來生一箇海南遺跡有雙泉我
家依約雙泉邊雙泉湮沒不可見山城落日生雲烟

題李將軍四時行樂圖 四首

日華淡淡雲陰薄兵衛森森擁鈴閣旌旗不動柳風輕劍
戟無聲花雨落將軍新試越羅衣兩袖春風拂地垂閣遍
三軍超距樂晚涼乘興詠歌歸 春遊細柳

松風流響團涼影翠薄翮空火雲令一軍無事枕戈眠萬
馬不嘶清晝永將軍燕坐凝清香靜對珠鈴萬慮忘不用
更揮諸葛羽溶溶心月自生涼 夏坐松林

霜染楓林秋氣肅潦水收痕山露骨蒼鳩一夜化爲鷹百
鳥含羞傍林麓將軍小隊出西郊金環壓轡青驄驕霹靂
一聲軍吏賀半空雲外落雙鵬 秋郊挾彈

凍雲不飛朔風直野獸畏寒出還沒角弓鳴箭趁蟲飛霜
鏑吐芒驚鬼哭將軍自控五花驄翩翩雲騎爭追從射殺
南山白額虎碧油幢底夜論功 冬野行圍

雲山清趣圖爲歐陽道人作

山矗矗雲漫漫雲容山色微茫間一天淡月秋空靜滿地
落花春雨寒道人愛此有清趣穿雲結屋依山住一縷茶
烟午夢餘兩腋清風欲飛去欲飛不飛無限情拂紗時作

太古聲驚猿吐月淚潛墮老鶴知更相和鳴夜溪萬境俱
岑寂兀然虛室生寒白回頭人世隔紅塵雲山慘淡無顏
色

嚴子陵圖

長笑劉歆頭不及嚴陵足厥角稽首勢若崩况敢橫足加
帝腹嚴先生何壯哉釣臺豈但高雲臺清風遠邈一萬古
落日頽波挽不回

丁卯過采石弔李白

采石江頭黃土一杯東有蛾眉亭西有謫仙樓謫仙仙去
不復返惟有江水日夜流人生一世幾何久不如眼前一

杯酒儻來文字不堪餐歿後虛名竟何有請君看此李謫
仙撒揭宇宙聲轟然長安市上眠不足長來采石江頭眠
百世光陰一大夢衾天枕地無人共寧知浩浩長江流不
是醜丘春酒甕此翁自是太白精星月自合相隨行當時
落水非失脚直駕長鯨歸紫清至人雖歿神不滅終古長
庚伴明月

送伍天錫

天錫棹頭歌且吁拔劍斫地呼烏烏酒酣興逸雙耳熱仰
天舉手長盧胡斯人豈是噲等伍磊磊落落非凡夫潦梁
五車不足讀取黃配白羞拘拘長江一漚千萬里雲濤變

幻時有無鄧林掀天白日動春風着物枯槁甦丈夫卓犖
有如此置身合在承明廬年來一擲金注拙日光五色成
模糊無人爲薦阿房五舉世空仰靈光孤一朝得係聖賢
籍攜經載道之荆湖渠渠高堂據中席誥誥英俊趨座隅
鈞玄纂要說道義魏冠大帶談唐虞名教由來有真樂功
名富貴皆土苴范金合土無躊躇不須北望生鬱紆

瓊林醉歸圖爲同年長垣李溥作

奉天殿上傳臚罷日照金門榜初挂中使傳宣敕大官明
朝賜宴南宮下張天爲幄雲爲幄金盤犀箸羅八珍宮花
剪彩來宮禁御苑分香出上尊鼉鼓掀天播欲破梨園法
樂喧相和妙舞清歌次第呈幻形奇技紛紜過承恩侍宴
皆貴臣繡金孔雀銀麒麟焚香望闕北面拜共賀官家新
得人白面青年三百五人似神仙氣如虎烹泉浮酒不知
數兩袖翩翩欲飛翥瓊林宴罷日斜時馬蹄得意去如飛
團團皂蓋空中舉短短絲鞭柳外揮微風不動香塵軟十
二街頭簾盡捲衣裁草色碧將流旗拂杏花紅尚淺金環
搖響穩於車笑拍吟鞍不用扶恥向平康問花柳還歸槐
市枕詩書明日半醒扶醉起吮筆題詩謝天子就中醉者
誰最豪中原才子長垣李

望雲祝壽圖

昔賢望雲憶親舍雙目熒熒逐雲下今君望雲祝親年一
心炯炯依雲邊舉頭見雲如見母獨立蒼茫凝睇久輪輪
囿囿鮮且明浮光呈瑞表壽徵觸石遙從泰山出雨下土
兮滋萬物有如春暉煦草心亦似凱風吹棘針母恩如此
莫可報望雲再拜情何任情何任意無已目極天南萬餘
里越王臺上陽生時焦子初黃蟹螯紫高堂綺席倚雲張
紛紛兒女羅酒漿就中獨少讀書子挾策多年遊帝鄉帝
鄉迢迢歸未得對此佳辰應惻惻馳心直與雲天高恨不
將身在親側蒼天漠漠雲悠悠雲色還如親白頭孝誠一
念感穹昊雲影爲之凝不流何事良工心亦苦筆端寫出

心中語紅雲朶朶捧天庭白雲片片迷江樹紅雲影裏望
白雲白雲如舊紅雲新裁雲作衣雨爲酒共祝君親千萬

壽

淮之水送淮安林馬判 三首

淮之水清瀾瀾山陽古郡淮之渙通仙之孫古君子似是
馬曹官自理何以况之淮之水

淮之水清湜湜郡疆遠跨淮南北林侯秉心淵且塞民不
知勞馬繁殖誰其致者侯之德

淮之水清徹底沮洳浸潤幾百里山陽太守差可擬一時
僚佐皆肖似餘波漸漬良有以

題林以善畫送王瑋

近代翎毛誰最工邊家父子誇獨步羊城林氏雖晚出筆
 勢飄飄有天趣仁智殿前退直時虛窻盤礴窺天機毛生
 點頭墨卿舞意氣所至皆神奇飛者自飛宿者宿色形神
 氣無不足等閑尺素落人間坐使山林在華屋嗟嗟百鳥
 皆天生結巢鼓哺方成形胡為獨奪造化妙眼前倏忽飛
 且鳴我從故人得此幅每日朝回洗塵目吾家外弟別我
 去輟贈慙慙表東曲故鄉南去更千岑對此還思別意深
 物類尚知相聚樂矧伊人矣不如禽

竹庭為袁秉中作

綠雲垂空寒欲滴窻外蒼龍 作人立有時鼓鬣風中號有
 時垂涎雨中泣既如軒轅遊 洞庭鏗鏘仙樂三半鳴又如
 李靖發田舍滴瀝大瓢雲外 頃中有書生負奇志千金學
 得擾龍技辛勤十載謹護持 坐使騫騰滿庭內只愁天作
 雷雨風斯須變化出九重雲 收雨散斂神功但見葛陂萬

文溪深深

秋窻詩為羊城義士袁鑑作

一年之氣秋最清窻涵霽色 偏澄明萬條疎朗斜碧入一
 點圓空虛白生坐聞四時如 一日凍雪炎風不相及筠簾
 晝捲寶鳧微緜映午寒金薤 濕千崖氣肅天字高紛紛木

葉飄林臯，桂涼蟾香散亂。碧桐疎雨冷，瀟灑浩然幽獨。
者誰子？終日栖遲，此窓裏平生志節，明如霜，一片精神淡。
如水霜明，水澹秋更宜凜然。相對清以淒，孤高遠慕，伯夸
聖搖落，不作宋玉悲秋行屬。金德爲義，見說承家多義事。
十尋雲棟，救旌門五色，天書金作字。義聲久著，越天涯冠
蓋過門，每軾車何日南歸。經錦里爲渠重放筆頭花。

題友人陳汝諧璞墩

其家舊有桐墩

昔君築墩，當近林樞。桐十載期，製琴今君築墩，向遠壑，孩
石千山，期得璞。晨昏來往，兩夢間功名富貴，皆等閑。有時
賦詩石上坐，有時拂軫桐陰。彈鳳凰枝老，秋蕭索却傷雲。

恨事耕鑿，以巧箇箇拂雲長。玉屑霏霏，逐風落一溪流碧。
彎半墳泉聲琮琤，鳴珮瑤山舍。輝分木舍，潤人言此地如
崑岡瓊枝，青樹羅階。砌夜深疑有白虹氣，藍田餐法會。試
無北平種子，應生未我家城。西君城東梯雲石，磴遠相通。
別來茫茫，隔煙海，置身遠在羣玉峰。何時對子，盧胡笑把
酒同元嘉碑會

岳王墳

我聞岳王之墳，西湖上至今樹枝尚南向，草木猶知表蓋。
臣君王乃爾，崇奸相，青衣行酒誰家親。十年血戰爲誰人，
忠勳翻見遭殺戮。見未必能亾秦，嗚呼臣飛歿，臣浚喜。

臣浚無言世忠靡檜書夜報四太子臣構再拜從此始

輓羅都御史

正統己巳北敵溪入當道者建議趣召宣府總戎
官率兵入衛京城或欲遂棄其城衆紛然爭就道
時羅公爲都御史巡撫其地乃毅然仗劍坐當門
拒之且下令曰敢有出者手斬之衆遂定口外人
至今能言之而脩宣府志者亦載其事公平生事
業固多而此舉猶爲卓偉抑菴先生作墓志略不
及何也濬初來京師時嘗拜公於寓所極蒙獎諭
及濬登朝公已致仕家居不久捐館舍矣瓣香致

敬其道無由茲因其壻鍾轅應貢來致其子泰命
求輓章因次第完城事爲韻語以補公志之略云
六飛北狩無消息邊城四望狼烟赤敵馬長驅去復來何
人却建捐邊策鎮朔將軍生入關北門鎖鑰空餘鏖強兵
健馬盡南走黃塵蔽日天漫漫白首憲臣南海客手持一
劍當門立誓與孤城同灰生怒髮衝冠氣千尺車輪生角
馬駐蹄居人不動行人歸叱咤之間樓櫓具金城鐵壁湯
爲池雲州失守赤城破健兒躡足城邊過老妻稚子盡登
障公亦援枹雪中坐山前山後無數城此城屹立如巨屏
敵騎南來資扼塞王師北出恃屯營屏蔽京師功卓偉謨

有長城長萬里江淮果賴張真源河朔僅餘顏御史憂國
勞邊兩鬢霜事成乞骨歸故鄉肘金腰玉者塞路無人上
書訟陳湯一葉扁舟五湖水漲海邊頭亂山裏拆簡不通
朝貴書抱膝長吟聊爾爾羅浮山崩天墜星乾坤一夜收
英靈公兮生歿已無愧邊人至今嗟未平邊人能言不能
紀慙我鄉生官太史聊述人言作些詞書罷長歌淚如洗

海屋添籌壽徐助教

茫茫瀛海浩無津弱水無力勝纖塵中有仙山三萬八千
里平地拔起凌蒼旻瓊臺玉宇金銀闕罡風盤旋舞香雪
琪花不落瑤草芳天氣長如二三月朱橘如斗蓮如舟脯
蒼麟兮駕紫虬木公金母互來往天鹿人鳥時嚶吟銀濤
凝碧漫山麓山麓渠渠列華屋黃金布地玉爲階五色雲
霞長蓋覆屋中插架皆仙籌非金非木非琳球連楹克棟
十餘屋堆積高竝崑崙丘山中老人若重孺洗髓伐毛知
幾度桑田變海海成田下得籌來已無數仙境變幻無定
居仙人綿邈不可呼誰知仙凡了不隔人中亦有列仙儒
列仙之儒服仁義不乘風兮不御氣辟雍環水如道山衿
佩趨庭總仙裔考古直遡盤古時積書多與桃核齊仁人
自爾享遐壽海屋添籌徒爾爲

題山水圖

昔年棲迹雲林下，舉頭見山不見畫。如今置身朝市間，開
眼見畫如見山。山耶畫耶孰真假，具眼之人世間寡。景當
好處背起樓，趣到佳時急驅馬。居山不見山中佳，厭厭林
壑輕烟霞。一朝別山出城市，黑風黃日昏塵沙。廣庭曲巷
通幽處，壘石栽花脩勝具。眼中彷彿雖逼真，畢竟人爲靡
天趣。回思舊隱隔世間，欲一見之千萬難。殘縑斷素纔尺
咫，傾囊倒篋不復怪。君從何處得此幅，十里雲山數間屋。
遠山淡淡橫翠嶺，近山亭亭削青玉。山頭處處飛白雲，樹
頭樹尾晴輪囷。平林忽斷天光露，眼色遙連雨氣昏。蒼苔
白石羊腸路，平麓盤盤幾家住。就中老人華陽巾，手把瓊
芝滴清露。山光水色相渺綿，漁舟泛月江吞天。長風浩浩
起天末，高堂白日生雲烟。興來却憶竹鶴老，見畫何如見
山好。人生卽景須盡歡，尋仙何必蓬萊島。

蟬聽軒爲常州謝同知題

世間何物聲最清，秋高嘒嘒寒蟬鳴。常州別駕日無事，公
餘徒倚軒前聽。物聲妙與人心合，聲入心通無限樂。鼓吹
何須兩部蛙，淒清絕似三更鶴。初聞一聲如撥絃，舍商轉
羽如有言。一聲未已一聲續，千聲萬聲斷復連。夕陽欲下
雨初霽，樹影不搖風細細。奏出千腔雅樂聲，帶得九秋立
露氣。有如伯牙鼓瑤琴，鍾期聽音知其心。又如南郭聞天

籟至理在心不在音天機氣到自然應隱几坐忘真聽瑩
承蠅手與此耳同用志不分神乃定忽然飛去君不知目
中彷彿常垂綫聲殘響絕寂無有但見委蛻黏高枝

送張茂蘭黃自立二同年回南京

前年棹鞅翰墨場英雄三百齊翱翔青雲滿眼多契合就
中最厚張與黃二君英英氣如虎明目掀眉論今古酒酣
拂劍落霜花興發揮毫灑秋雨今年同自江東來我一見
之心眼開長鯨吸海海欲竭巨靈擘山山爲摧摧山竭海
懸河口風雲變化龍蛇走盤古以來二百二十餘萬年一
一成敗興亡如指手相看一笑氣味投典衣沽酒鎮日留

鄰翁侍吏共驚訝平日見我曾有此客不此客何昂藏此
主大癡絕牙關齟齬憂金聲口角罪罪灑瓊屑帝城春暖
百花香軟紅塵土飛悠揚明朝馬首向東去燕雲一碧天
茫茫燕雲不斷吳雲起兩京相望四千里桃葉渡頭生碧
波清夢隨君渡江水

四友圖爲安成劉進士秩之父作

三友松竹梅其間一友我萬物於人同一理意契神交無
不可君不見明月在天光在尊李白對影成三人又不見
書酒琴棋集古錄醉翁與之合成六古人將身混物中游
心太古窺鴻濛此翁妙得古人意白首山林無物累每將

富貴等浮雲却與幽貞結
溪巽左挹大夫袂右拍君子肩
羅浮美人相後先翁居其間吟且嘯
一笑相看同歲寒市道豈所論
金石未爲堅耐久且莫逆忘形更忘年

題李都督虎

陰雨颼颼振林木百獸魂飛草中伏
與首爲旗尾作旌白晝橫行誰敢觸
汝虎雖猛何如人慎勿夜逢李將軍
將軍射石尚沒羽薄肉淺毛何足數

題楊廷玉忠義

幽燕自古多奇士勃勃曾中抱奇氣
要留世上不朽名羞見人間不平事
金臺峩峩易水寒相看意氣何桓桓
君臣

義大此身小寧問鴻毛與泰山
荆生不還出生死地氣翻爲時勢使
西風吹散壯歌聲百鍊鏗鋼柔繞指
文皇建國來全燕風聲震地雷轟天
聲名獨出百王上風氣還回三代前
關西後裔范陽客二十辭家侍君側
出入勾陳太乙間一片丹心傲如日
落落身無七尺長忠肝義膽無他腸
前年持矛刺狂賊去年上書論流畔
有勞不伐言皆應四民安堵三邊靖
丹心自結明主知時時持節銜王命
禁庭之獄非等閒生死都來掌握間
昨日九重親錫命三軍百姓總開顏
好生惡殺天之道聖主仁明法天造
楊君楊君聽我歌臣心盡處君恩報

送嘉禾伍公矩歸桂林兼問訊海鹽張靖之

平生故人伍公矩少年學文今學武
中豪氣老更豪
變情遷寧少沮酒酣耳熱歌烏烏
手執如意擊玉壺興來拔劍爲我舞
電光燭燄雲披敷仰天大噓向人語
顧儂豈是噲等伍筆端一萬丈虹霓
曾次三千歲今古憶年二十三十時
風中快鶻囊中錐廣寒紫桂白手斫
滇池綠駿赤脚騎奉天殿下丹墀底
頃刻雲烟生滿紙瓊林宴罷馬如飛
一轡穿花三十里功名富貴皆等閑
致身承明殊不難覓得一州如斗大
又被秋風摧紫蘭瑤瑟玉筍山如畫
靜荷韜鈴意閒暇堯山祠下拜放勳于羽
兩階祈日化絳灌之武隋陸文今人未必下
古人長籌人手一運轉溪山失險鬼不神
李廣數奇顏駟老破弓束書遵舊道英雄回首卽神仙
忙處人多閒處少青天浩蕩雲渺茫吳山高分粵水長
南歸若見張給事引杯燒燭歌我送行章我亦頭顱如雪白
每憶故人心惻惻明當歸棹過嘉興看劍檢書話疇昔

靈壽杖壽徐庶子乃尊

我聞仙山有奇木似木還非又如竹
參就天池走陸龍削成玄圃輝山玉天生尺度齊人長
清如冰雪堅如琉璃偶然爪甲相擊觸鏗金戛玉函宮商赤城九節殊怪詭
蜀江桃

竹未爲美不知漢家何處得此枝骨格不凡足文理經年
閱代何靈奇在處神物常護持上端或炳太乙火節間容
刻丹書辭天子用優老老臣恃扶危夸父寧忍棄長房不
敢騎變化去來寧可測旣失千年今再得當時北關賜師
臣今日南州壽仙客南州仙客高士孫白頭釣隱荆溪濱
至人傳與養生訣步履如飛不動塵聞道今年年七十拄
杖趨朝此其日玉堂令子阻稱觴望拜南雲寄詩什緘題
寄遠祝長生共願年高身轉輕曉起撥雲穿竹逕夜溪挑
月扣松扃歲年年持此杖長伴神仙地上行

梅窻琴樂

高人好琴得天趣開窻靜對梅花樹江空歲晚夜溪時丁
丁似共南枝語淡香疎影太古音箇中樂趣清且澗等閒
三弄梅花曲花不在梅花在琴

赤壁圖

烏林赤壁江東注千載曹劉爭戰處黃州遷客雪堂成水
落山高天薄暮扁舟一葉泝流光洞簫吹月鶴橫江自從
兩賦畱傳後世人不復談周郎

笠澤圖

我聞在昔天隨翁浮家浪迹笠澤中筆牀茶竈隨所寓潤
物搜腸情興濃七澤三江通甫里一葉扁舟五湖水年來

遯世避風波不知長在風波裏

彭澤圖

幾年作縣山城裏只緣五斗官倉米終朝汨沒簿書間矮
屋擡頭頭不起可堪時事日已非賦歸豈爲鄉里兒候門
童子望我久奮飛不得嫌舟遲

五言絕句

客中對月

萬里思歸客傷心對月華願憑今夜影回照故園花

題扇面小景寄鄉友

遠樹平連野微雲低度山黃龍青雀艦不似釣舟閑

明妃曲 三首

塞雪彫宮鬢胡霜裂漢裙畫工雖可恨不似奉春君
嬌態能傾國蛾眉解殺人妾身亦何幸爲國淨邊塵
骨已成邊土魂猶戀漢庭千年遺恨在孤塚草青青

明妃圖

生長陽臺下分明見漢君孤絃彈破夢恍惚一行雲
使回煩寄語莫殺毛延壽君王或夢思畱畫商巖叟

閨愁

歲暮風霜勁路長山水多聞郎駕船去願作楚江波

春江曲

雨過水添波鴛鴦來漸多春江淺可愛其奈別愁何

秋風

客裏渾無賴樹頭俄有聲倚窗頻側耳無限故鄉情

征婦

君身上船去妾目送帆飛江空人去遠猶自立殘暉

春日即事

蝶趁飛花舞鶯和睡柳酣日長人境靜聊爾試春衫

九日有懷

寂寞重陽節籬邊菊未開借門空悵望不見白衣來

五言律詩

閑居雜咏

鼎鼎百年間誰人未老閑古心惟自得塵事少相關
風定一花落簾開雙燕還簞瓢隨處有不是故希顏

村行

萬里勞行役驅車趁晚晴鴉邊殘照遠雨外斷虹明
山徑高低路村春遠近聲隔林人語寂一犬吠相迎

村居

郭外幽居好橋邊水逕斜紅飄桐井葉黃落菜園花淺淺
浴鳧水團團宿鷺沙板扉青布旆記取舊東家

夜泊近漁舟有感

漁舟何處泊淺水荻花邊風月全家樂江湖到處田烹魚
邀賈客乞火與鄰船自笑謀生拙臨淵却爾憐

晚泊

風定帆初落籬根泊晚晴寒潮隨月上秋水共天清隔竹
見燈影橫江聞鶴聲有懷愁不寐坐數驛樓更

夜到山莊

草徑直穿園溪流曲繞田村春應谷響炊米散林煙雨過
池添水雲開樹露顛主翁聞犬吠迎客出門前

輓全州蔣隱君友人蔣良之父

高人厭世氛一夕歛天真花落閒庭晚鳥啼空谷春藥囊

餘舊劑茶竈冷香塵埋玉湘江上悲風起白蘋

書房四幅爲新河許生作

鎮日掩書窻心閒萬境忘汲泉烹茗若添火試沉香琴韻
清宵遠詩聲白晝長青編長在手倦倚竹方牀

一室清如洗翛然絕俗囂字臨春景蚓畫辨午時猶烟淨
芸香細風微竹汗消還期太乙老藜杖燭清宵

廬山瀑布

何處飛泉好廬山自昔聞懸空一水立驀地兩山分直瀉
崖前月平霑樹杪雲源頭如可到乘興訪匡君

寄題金山寺

岷江萬里下梵剎半空開吳樹風吹斷淮山水蕩迴潮聲
雜鐘磬波影動樓臺千載張公子題詩會雨來

人日有懷

七日逢人好三年作客賒塞雲晴度雁城日曉翻鴉雪化
經冬水梅開隔歲花欲歸歸未得惆悵惜年華

早朝 二首

落月傍西山初開虎豹關銅壺龍滴水朱戶獸銜環玉佩
趨馳道香烟拂近班去天纔咫尺不敢望龍顏
曙色催仙仗祥光繞禁闈門開雙象侍鐘動萬鴉飛江漢
宗滄海星辰拱紫微疎愚亦何幸每日近清輝

送人入蜀

嗟君萬里去孤棹下雲安地濕天常漏時清道不難江流
春泛雪灘石午生寒如過臨邛令琴心莫浪彈

都下逢友人問訊

京國忽相見蒼茫問起居如何三載別不寄一行書共訝
鬢毛改自憐生計疎故人應笑我未得賦歸歟

題空上人方丈

地僻少風塵僧居卽隱淪烟霞方外境水月定中身長日
飯畱客夕陽鐘送人他年如結社還許醉相親

秋日寄友

雲海權遊地別來今幾何壯心隨日減歸思入秋多細雨
滋蒼蘚寒風剪敗荷有懷誰與共搔首短長歌

雨中有懷

風雨晝冥冥閑愁不自寧只宜長日醉何可片時醒花落
隔簾數鳥啼欹枕聽願言頭蚤白歸去候農星

秋晚答友人

朝罷歸常早官閑客自希少書隨處借多病與時違訪舊
憐俱老逢人厭說歸傷心秋又暮未寄北堂衣

送杜侍御出宰英德

墨綬綰銅章還乘下瀨航重沾新雨露猶帶舊風霜官舍

依山淺溪流到海長邑人遙爲喜令尹得張綱

洞庭圖

八月潮面闊天低地盡浮四山通潦水萬里聚重樓木杪
仙人過雲中帝女遊何時乘雅興徙倚豁吟眸

除夕

歲去何勞守春來不用追明朝想今夕便是隔年期歲月
添中減人情黯處癡元正與除夜相去幾多時

偶成

往事今如此前途已可知但求身健在屢遇歲豐期自
爲人拙誰來問我癡朝回高枕臥夢見孝文時

過峽山飛來寺

三過飛來寺今朝始一登恍疑山是客頓悟我曾僧
出幽壑猿聲啼古藤本無來與去明日問南能
客有談龍太初沙詩者或謂其有體無用因足成之
茫茫黃出塞漠漠白鋪汀鳥去風平篆潮回日射星
連相府慶殯到龍庭聞道西河裏漂流不暫停

送謫宦者放還揚州

曉日都門道西風酒一卮幾年悲玉後萬里賜環時
古水前朝寺殘花后土祠淮南風景好歸去莫教遲

送友人涂景旻下第歸五羊

曉日都門道春風酒一杯爲憐君獨去却憶我同來
楊柳春堪折芙蓉秋始開臨岐凝望邈目斷越王臺

送朱忱之弟

南人不識重况此北風吹桑梓久違後弟兄相見時
歸雲孤度影老樹短垂枝一別又萬里重來未有期

送梁叔方行人養病還嶺南

使節行初返君恩許暫還聊爲六月息且得幾年閑
白繞飛雲舍青連過海山自憐家更遠臨別憶鄉關

晚適

向晚乘殘興穿林透水隈林空客鳥過樹動覺人來
山戴

雲頭日海傳澗底梅村居多石磴步步踏蒼苔

梅溪處士輓章

惆悵清溪上梅飄雪後枝茶煙無鶴避梁月有人思披覽
經行處巡簷索笑時空餘陳迹在風雨草離離

雨後過訪友人山居

竹杖穿雲過柴扉冒雨開好山如洗出幽鳥似呼來感舊
哀絲結開懷醉玉頰人生歡會切欲去重遲回

感舊偶書

憶昔歡遊處青林翦翠茅竹皮消舊粉椰腹解新苞沙暖
雞乾浴泥稀燕濕巢故人誰復在夢裏或神交

五言排律

寄題南華寺大鑿禪師

佛法來東且禪宗肇嶺南一溪香氣水萬縷藕絲衫結子
花開五先人棗示三心燈受弘忍梵派演瞿曇山髻青螺
聳波心碧玉涵衆流歸大海孤月印寒潭藹藹花雲煖灑
灑法露甘未迴煙水棹空費葛藤談奏樂皇岡石讀書張
相巖也知祖堂近無暇一登叅

六言

春日卽事

晴日花開蝶拍暖風柳畔鶯聲沂水詠歌氣象前川隨傍

心情

秋思

水落淺灘石出霜冷疎林葉丹天外數聲過雁人在高樓

倚欄

江行

翠竹白沙村逕落霞飛鷺江天倚杖夕陽影裏閑看江上

歸船

印景

天通屋漏生白日映紗窗透明掃地焚香坐處湛然心地

清平

客窻三景次友人韻 三首

明月欲上未上烏鴉東飛西飛物類皆知所憩何事遊人

未歸 黃昏

漏滴銅壺恰半月到天心正圓人在子規聲處幾回欲眠

不眠 半夜

樓上更傳五點鄰家雞叫三聲正是銷魂時候倚牀坐待

天明 五更

廂房前有一檜樹夏熱甚向晚散堂閉門倚之而坐

頗有林間清趣

午睡醒來無事斜陽轉過松陰倚樹科頭箕踞宛然身在

山林

七言絕句

過梅關題張丞相廟

平生夢想曲江公五百年來問氣鍾
行客不知經世業往來惟羨道傍松

題希夷長睡圖

墜驢一笑便歸山衾枕乾坤分外寬
一沐三梳聞又廣依然春夢未曾闌

春閨怨 二首

春雨池塘草發芽春風庭院柳飛花
韶光尚有歸時節何事遊人未到家

事遊人未到家

舊歲花殘今又開去年人去幾曾來
不知明歲花時節人在天涯回未回

古意 二首

簾幙沉沉翠地垂重門十二掩斜暉
慙勤更把殘機理待剪征夫寄遠衣

獨守空閨不自憐憐郎歲晚尚防邊
秋來莫作還家夢妾貌于今異少年

題小景

石橋流碧水潺湲千樹桃花萬疊山
謾道仙家有靈藥看

來終不似人間

晚感

寒鴉日日晚投林却憶山家隔萬岑豈是不歸歸未得暗
風吹淚落衣襟

為林學士題十二紅畫

丹杏香邊翠竹中幽禽兩兩立東風不知毛羽紅多少
得人呼十二紅

送樊景瞻河南大叅

天光近處地蒲青記得君王問賈生謾向河南望河北碧
天涼露滴金莖

送馮副使上定之廣東憲臺

百雉層城雁翅開陰陰古栢擁霜臺登臺正好頻西望千
里荒煙接野萊時廣城以西被徭寇

春風不到海邊天森見皇皇使節鮮料得吳兒心似鐵不
妨多飲石門泉

家在天南地盡頭白雲歸處海悠悠君行是我家居處莫
謾逢人歎遠遊時老母在南土定之親在北

春寒

九十春光將過半凄凄猶似舊冬天依稀記得江南景小
扇輕衫戲水邊

過某氏園亭有感

危牆荇棘鎖重關不許游人取次攀
一夜西風零落盡牛羊成隊下空山

經舊遊有感

當年同醉習家池歌舞流連醉不歸
今日獨來牆外望亭臺依舊主人非

南行途中見北人

旅食京華數十春飽諳霜雪慣風塵
南來忽見幽燕客還似當年遇越人

客中夜雨

旅館秋風夜雨聲思家愁路憶神京
寒蛩亦似知人意相伴哀吟直到明

題程彥實尚書晴洲卷

舉世昏昏夢裏過晴明時少晦時多
一生日月光中老閑向沙頭弄碧波

少居河北老江南風月隨身到處參
最是芳洲晴景好泥融沙暖水光涵

一片溪山景最奇空濛瀲灩兩皆宜
青天白日好歸去不待沾裳濕足時

題傅巖圖

正文公集 卷之十
何事君王感夢頻
騎箕天上有星辰
自從版築形求後
惟見丹青畫美人

寄題釣臺

祚終四百已無漢
灘歷千年尚姓嚴
終古祠堂釣臺側
水光山色擁高簷

題墨梅

老龍半夜飛下天
蜿蜒斜立瑤階裏
玉鱗萬點一齊開
凝雲不流月如水

松月

素娥夜駕玉蟾蜍
來訪雲亭五大夫
十里人家總驚訝
老

龍擎出夜明珠

題虞美人墓

自古英雄數霸王
喑鳴叱咤萬人亡
只消幾句悲淒語
盡平生鐵石腸

春思

暉暉初日照窻明
風定飛花落地輕
境靜不聞人語笑
隔林鶯囀一聲聲

詠史

萬人叢裏擊龍車
說道民愚却不愚
天下簡編焚毀盡
圯橋依舊有遺書

一作簡編總成煨燼
未把橋猶有未燒書

小景

行過山邊又水邊
眼中非樹卽寒泉
囊琴謾道樵青抱
流水高山不在絃

題寄南華寺 三首

達摩傳得藕絲衫
浮海東來到嶺南
人向西回法東轉
曹溪溪上建伽藍

佛法興從漢永明
始傳四十二章經
當時未有禪和子
縱有花開子未成

紅梅過去到黃梅
正遇曇花五葉開
當日傳衣從此去
又從此處轉回來

七言律詩

五指叅天少時曾作瓊臺八景郡侯程公已刻之梓
今不復存惟記其首一章謾錄於此

五峰如指翠相連
撐起炎州半壁天
夜盥銀河摘星斗
朝探碧落弄雲煙
雨餘玉筍空中現
月出明珠掌上懸
豈是巨靈伸一臂
遙從海外數中原

送趙公子還蜀

柳花飛白綴征袍
擊筑酣歌別思豪
老氣逼人雙劍古
好風送客一帆高
五湖烟水歸程遠
三峽雲山入夢勞
別後相逢更何處
引杯燒燭論龍韜

過沛縣弔張克勤

青山迢遞綠蕪溪欲弔孤墳何處尋
萬里遊魂今古恨百年交誼死生心
雲霄竟折升天翼文彩空餘擲地金
幾度泗河河上過悲風淒慘動哀吟

春日郊行

三月韶光滿帝都郊遊士女競歡呼
五花戰馬馱紅袖百結柔絲絡翠壺
畫困柳眠鶯急伴春濃花醉蝶爭扶
書生對景愁虛度也學乘風詠舞雩

寄張練師

辭家學道入青冥曉汲清泉晝斲苓
衣染春雲同鶴色劍

涵秋水帶龍腥吟成白雪風生席歌徹青天月在庭
幾度緘書寄仙侶蓬萊空闊隔滄溟

多景樓

多景樓前景致多倚闌吟眺奈愁何
浮雲京國生春暝落日鄉關起暮波
浩蕩乾坤心共遠蹉跎歲月鬢空皤
醉來擊碎玉如意仰面看天發浩歌

輓張處士

少微星殞海天秋漠漠悲風起暮愁
郡乘定書耆舊傳仙遊真訪羽人丘
雲中鶴去茶煙歇架上書成竹汗收
盛德不隨身共化百年有子紹箕裘

金陵卽事

六朝城闕久蒿萊紫蓋黃旂帝運開
鳩鵲漏傳雲外觀鳳凰簫奏月中臺
千峰山勢連吳遠萬里江流自蜀來
此日江南非昔比子山詞賦莫興哀

寄題虎丘可中庭

玉宇澄清寶界平一庭寒影恰相應
柱頭千載歸來鶴石上三生過去僧
蟾窟依然光滿滿虎丘空有氣騰騰
生公說法神聽處此日來遊記我曾

辛未歲過揚州懷古

秋風歸棹倚燕城一片閑情對月明
錦纜起鷗傷往事青

錢跨鶴笑狂生吳公塘路已陳迹
后主觀花空有名欲訪平山舊闕
檻有無山色暮雲橫

歲庚午來自金臺寓新河有金陵卽事之作
明年復至因觀高樞軒詩不意暗與之合
有如剽竊然初實不知也用廣其意爲雜詠
二首云

雲中雙鬪俯秦淮天外三山對鳳臺
二水合流趨派去六峰飛翠過江來
金陵王氣千年盛鍾阜晴雲五色開
愧我才非班馬匹可能無賦奏蓬萊
父老依稀說六朝當時伯氣已全銷
新亭別淚何須墮古井妖魂不可招
瓜步客帆朝帶雨長干僧艇晚隨潮
行人

不用誇天塹南北輿圖總屬堯

和李太白韻寄題金陵

昔年曾作鳳臺遊，萬里長江人望流。
龍虎時形長拂闕，金銀厭氣謾成丘。
眼空八表人間世，興寄三山海上洲。
却笑古人多事在，烟波雲月起閒愁。

和李子構都門春日韻 二首

碧桃花底共鳴珂，雲淡風柔氣候和。
輦路雨餘生嫩草，官河冰泮動微波。
近天樓閣逢春早，向日園林得暖多。
我有新詞三百闕，興來呼酒對君歌。

寶馬雕鞍白玉珂，花雲淡蕩柳風和。
梵宮密密關金繡，海

子深溪湛碧波，郊外踏青遊客醉。
水邊脩禊麗人多，誰憐寂寞楊雄宅。
門巷無人白嘯歌。

哭唐珊 珊時應舉道已

洗耳沿途聽捷音，捷音未到訃先臨。
苗生南畝初成秀，雲出西郊未作霖。
天上遽傳宣李詔，世間空有鑄顏金。
青年妙質歸冥漠，負我平生望汝心。

舟中遇重九示同行友曾光啓

秋水蘆花似故鄉，客中無那又重陽。
籬邊摘菊人應異，篷底看山興更長。
把酒不如前會健，登高無復少年狂。
同行賴有曾光啓，共買村醪醉一場。

初讀書中秘與脩天下志書東陳宣之

五鳳樓頭百八鐘萬鴉飛動曉天紅玉繩影轉瑤階日金
蕊香生紫閣風奪錦文章清禁裏登瀛人物玉堂中回看
人世仙凡隔弱水浮埃迥不同

崢嶸傑閣殿東頭聖代儲才禮數優四庫有書資檢閱九
關無禁任觀遊日華暖映三珠樹雲氣晴浮五鳳樓海上
仙山真浪語玉堂深處卽瀛洲

寄所知

晉人風度楚人騷不爲悲秋歎二毛席地夢回雲氣濕仰
天歌罷月輪高鳳兮覽德翔千仞鶴也揚聲出九臯有約

蓬萊清淺處碧桃花底聽雲璈

南京給事中童志昂和李商隱無題詩韻南京諸公

多和之意蓋有寓問出命子屬和子村學究也不

能外題以爲詩姑詠史以復之

四首

大雅無人繼古風周家轍迹一朝東越裳白雉音塵絕庸
蜀金牛道路通烏首百年終不白宮烟三月尚餘紅淳風
歛去無回日天下紛紛類轉蓬

莫向鴻溝覓舊蹤一場春夢五更鍾也知賜醢緣情薄豈
是分羹愛味濃萬里使槎來首藉半空仙掌出芙蓉濛濛
黃霧連天起不見秦關百二重

一自銅仙入洛來天開草昧幾雲雷千年晉水飛龍起午
後周宮控鶴回山下玉環啼粉面嶺南金鏡憶良才繡袍
華帽開金統真信人間有劫灰
紛紛國步苦艱難汗簡千年往事殘夾馬營中香氣散黃
龍堆上凍翎乾金源運去讎方復起輦魂驚骨已寒日月
齊肩終古見照天光彩萬方看

輓李克述先生之表叔

其子重遷其墓合葬

天上仙遊去不還溪林暮雨落幽蘭庚桑過后鄉猶稔賈
誼亾來井未乾五父衢開防墓合九歌聲斷楚山寒通家
有子今文伯爲發潛光石上刊

輓茅山隱者

三茅峰下華陽洞鶴怨猿驚失隱君載酒無人問奇字招
魂有客賦騷文塵埃長鎖楊雄宅車馬頻尋白傅墳曾記
題詩詠高致不堪哀訃此時聞

送尚寶凌卿使交南

旭日初升萬國明鈿函玉札下南溟符臺自昔瞻卿月遠
道于今望使星老樹古香生桂蠹亂山殘雨帶龍腥茲行
萬里真奇絕好把新詩紀所經

春日田園雜興

四首

二月春融土脈甦趁時農圃正耕鋤曉犁破草翻新塊晴

甕分泉養嫩蔬，鴈鶴飛來牛背立。鵝鳩對向樹頭呼，老妻
攜酒花間勸，醉倒殘陽手就扶。

生意津津樂趣深，一犁春雨萬家金。繞畦菜莢初生甲，出
水秧苗漸露針。藻漾池心魚撥動，花藏葉底蝶穿尋。就中
興思知多少，盡是東皇發育心。

二頃湖田五畝園，百年世業遺兒孫。風和鶯語笙簧巧，雨
過蛙聲鼓吹喧。木屐穿花沾露濕，桔槔剝水帶泥渾。老妻
報到茅柴熟，相約鄰翁醉竹根。

漠漠平疇沙鷺飛，啾啾樊圃野鶯啼。綠針白水秧千畝，黃
蝶青苔菜幾畦。脚踏莓苔隨意往，手持竹杖與翁齊。興來
獨得幽閒趣，滿眼春光取次題。

送王給事中使交南

中原才子稱華簪，萬里翱翔快壯心。論俗好傳司馬檄，歸
裝寧載尉陀金。川原遼邈荒唐縣，父老依稀說漢音。莫過
遺墟問前事，鷓鴣啼處亂山深。

聞人說海北事有感二首

故鄉歸路隔高雷，見說年來事可哀。村落日中眠虎豹，田
園雨後長蒿萊。海隅久已無春色，地底真成有劫灰。荆棘
滿山行不得，不知當日是誰栽。

四海平寧獨亂離，轉頭已是十年期。獸蹄旁午侵城郭，燕

壘縱橫傍樹枝遠客歸來前路失遺民假息故城危荒郊
白骨宵飛燐風雨啾啾正怨誰

病起寫懷

寸心千里日懸懸歸計今秋又似前身似東翎飛不去事
如春蔓苦相纏還家路梗須浮海報國才疎只望年幾度
自憐還自笑笑羨魚何事屢臨淵時廣西徭僭海
北界道路不通

送陳緝熙修譔使高麗

海上天風吹節旄玉堂仙子錦宮袍詔頒龍闕恩初下詩
到雞林價倍高萬頃鼇金浮曉日一江鴨綠漲秋濤遠存
未見熙朝鳳爭看文章五色毛

分得都門曉日送彭閣老歸省

承恩歸省出蓬萊曉日都門祖席開三尺陽烏離海上九
苞威鳳下天來霞光流彩明官錦雲氣浮香注玉杯此際
道傍誰不羨幾人親在位三台

都城春日

宮闕巍峩紫氣高西山東去碧周遭天晴魚躍龍池藻春
老鶯銜御苑桃映日暖雲流似水泥塵香雨潤如膏太平
有象享常醉不用攜樽倒濁醪

秋興 七首

楚客多悲况值秋都將心事付東流病來豈有空青石寒

到兼無粹白裘丘隴纍纍多宿草江湖泛泛總虛舟芙蓉
零落空洲暮一夜閒情白盡頭

木葉蕭蕭下樹柯御河流碧送晴波西山鳥雀飛鳴遍內
苑菱荷積漸多日映鳳凰新出穴雲迷烏鵲舊填河寂寂
燈下悲秋客懷古思鄉奈病何

西風吹鬢冷蕭疎宦况無多客影孤海燕知時辭舊壘寒
鴻趁暖就新蘆渴懷甫里烹茶竈醒愛高陽醉酒徒百人
高樓千里眼岸連蕭艾水沉菰

曉色蒼涼日色新小窻睡起鳥聲頻千秋詩話三秋景九
陌紛紛萬井塵雲氣乍生猶淡淡波光將動漸粼粼都門
共悵多離別誰是臨岐贈策人

六街晴色散秋光一片浮雲接大荒塞雁隨陽如有約嶺
猿叫月已無腸寒蓑花下愁沾露散步林間怕履霜此日
不妨多酌我壺中廣大醉鄉長

風掃長空積雨晴短槐疎柳亂蟬鳴沙頭鷗鳥尋常去江
上蘼蕪日夜生嘉樹有蹊荒蘚合好山無數斷雲橫却懷
九曲餐霞客獨抱寒蟾遡紫清

秋風秋雨夜淒其凭几沉吟有所思驚鳥故投曾宿處開
花還是已殘枝喜看淡月穿雲出靜數遊絲墮地遲萬里
鄉心千古意興來聊誦少陵詩

舟次直沽簡彭彥實同寅

潞河澄徹衛河渾二水交流下海門直北回看龍關近極
東遙望蜃樓昏孤城近水舟多泊列戍分耕野盡屯我有
好懷無處寫欲沽尊酒對君論

送蔣容卒業南雍

束書攜劍去匆匆此日真成點額龍天意不孤清苦士世
間寧有輟耕農春回南國鴻飛急雲滿西郊雨氣濃莫謾
相逢嗟未遇秋江隨處看芙蓉

送王給事中使占城

銀漢清秋泛使槎節旄晴拂海東霞扶桑水接南溟闕析

木天遙北斗斜鷁首衝風龍伯助鳳毛瑞世島夸誇皇明
威德今無外莫諱中朝第一家

送吳克恢南歸因柬王用先生

話別匆匆欲去遲送歸因憶別來時平安有信因君寄竊
祿無能報母慈風雨十年多舊約雲霄萬里更深期寄聲
爲問王夫子何日相逢慰所思

輓羽士

十二樓頭海月空朝元人去藥珠宮形銷忽作良非子物
化真成亾是公玄牝養來神不歿庚桑過去歲猶豐牀頭
一卷叅同契謾有彬彬萬遍功

郊行口占
閑來策杖出城隍信步徐徐踏翠苔林下聞鐘知寺近溪
邊待渡喜舟來一聲清唳橫江鶴幾點寒香映水梅老我
歸來機事息等閒鷗鳥莫相猜

蘇武歸朝圖

茂陵煙樹碧蕭疎白首生還志不渝面目依稀猶似昔節
旄零落已無餘歸期不待羝生乳遠信真成雁寄書頗有
幽懷忘未得夢魂時或到穹廬

運籌亭爲韓都御史題

五嶺中間數仞亭海雲山月總關情三千稷下諸姜客十

萬曾中小范兵談笑已看功業就指麾能使鬼神驚先憂
後樂平生志須仗忠貞答聖明

春興 二首

塞雁乘春又北飛越人何事未南歸十年館閣虛糜祿三
月庭闈阻換衣樹背時時勞夕夢草心寸寸戀春暉幾回
喜懼交并處屈指親年近古稀
百計思歸未得歸夢魂夜夜到庭闈愁心苦似丸和膽淚
點多如線在衣愛日每憐駒易過臨風却羨雁能飛朝來
聞報高涼捷萬一歸程或可幾

和童志昂給事自蜀督軍還貶壽昌令畱別韻

纔捧綸音出禁闈
潢池赤子遽來歸
安邊自謂無遺策
平地誰知有伏機
送客江亭休贈策
逢僧野寺謾畱衣
從來六月鵬鵬息
不久乘風又奮飛
百情與童大章庶子
萬里歸來不見君
老懷拍塞向誰論
素車白馬違心約
黑樹青林感夢魂
契誼半生情最厚
相思幾度淚潛吞
歿生一畫論交酒
忍痛來澆宿草根

過舊遊處有懷袁秉中

昔年曾向此中遊
把酒談詩夜未休
別後交遊雲四散
閒中歲月水東流
哀絃淒斷聲難續
醉墨淋漓迹尚畱
却恐鄰家更吹笛
老懷哀颯不禁秋

送祁至和郎中使高麗

鸞鵲天書五色裁
中原使者下天來
白山綠水玄菟境
玉珮瓊瑤繡虎才
絕域喜沾新雨露
遠人驚見古罇罍
懸知不是乘槎客
肯帶葡萄首藉回

和楊維新學士先子除夜高詠詩韻

閒中日月靜中過
孤竹清風柳下和
文解送窮聊自劇
詩成泣鬼不須讎
頭顱種種遽如許
世態悠悠能幾何
不朽只消賢子在
尋常名利孰爲多

輓沈時暘大叅之祖

青衫白髮老一鄉人人薰德多循良醉仙或過沈東老惡
少怕聞王彥方黃鶴一去久汗漫青山千古成荒涼高年
厚德已足羨况有諸孫能顯揚

輓淮安畢義士

江淮都會楚州城過客咸知尚義名晉鄙盡薰楊子德
人不愛魯侯盟漆園千歲椿何在蒿里三春草又生多少
鄰家需舉火至今聞諱尚吞聲

送陳宗堯侍講署南京院事

南北于今兩玉堂儼如東壁望文昌趨朝暫免通門籍視
事榮看結院章竹汗消青春晝靜槐龍屯綠午陰涼輭紅

廬山長安道還憶聯鑣傷苑牆

題山水

山色空濛樹色深人家住傍碧溪潯半江月照天在水五
月風來秋滿林逐世獨輸高士隱披圖因見昔賢心人間
何處有此景我欲因之寄越吟

送李立之赴南京太常

奉常自古號清卿君去南京分外清案牘盡懸周典禮官
僚竝列魯諸生函香每月朝鍾阜訪古常時到治城却恨
無由追驥尾鳳凰臺上聽簫聲

輓劉員外

以謫累謫戍歿遼東

遷客年來盡賜歸，獨憐君去杳無期。
春秋斷獄古今少，暮夜辭金天地知。
遼鶴空聞留語在，燕烏堪歎白頭遲。
百年公論今初定，欲擬招魂托楚詞。

醫士輓章

業精岐扁更能文，不出門庭自遠聞。
常笑宋清書藥券，每非徐孺謁邦君。
窻前生意餘春草，江上愁心結暮雲。
他日生芻何處奠，松間碑碣竹間墳。

秋日有懷

木落風高九月天，一聲塞雁叫霜前。
黃花冷落愁殘蝶，紅樹淒涼咽暮蟬。
夜枕雨聲添別淚，晴窻雲影伴孤眠。
故交契闊成今古，俯仰令人倍愴然。

送畫竹屈生

東風吹散漕河冰，旋買吳船載酒行。
野樹依依連故國，雲山點點引歸程。
郢中誰和陽春曲，吳下多傳子夜聲。
白首奉常無恙在，韞才應已付鄉生。

謁文丞相廟用老杜蜀相韻

泮宮西畔偶來尋，香火祠前氣肅森。
柴市陰霾存積恨，崖門驚浪鼓哀音。
更無地滴包胥淚，祇有天知豫讓心。
我爲綱常連下拜，清風颯颯襲衣襟。

歲丙申六月伏中雨中待朝偶成

二十年前入禁闈朝朝侍立看朝儀頭顱種種疑非我世
道悠悠責付誰人到衰年情頓減天將陰雨骨先知可憐
歲月閒中過年少功名異所期

得家書

老來肌骨怕寒侵無夜家園不上心萬里路行經半載一
封書到值千金抗顏壁水知無補營老菟裘念念愈深預報
吾兒掃門逕乞骸早晚便投簪

九日次友韻

重陽無酒堪惆悵况是東籬未有花草木變衰人感物關
河迢遞客思家秋容不斷天無際晚景無多日易斜白髮

故人今我在相逢不用惜年華

歲己亥正月十日大祀郊奉旨分獻中鎮

聖皇秩祀蒞郊壇分獻今年得霍山奠璧禮行金闕下燔
柴煙起彩雲間清風颯颯隨神至瑞雪飄飄擁駕還明日
慶成應賜宴奉天殿上侍龍顏

送顧廷瑞赴袁州太守

交朋落落苦無多臨老其如又別何賓館自應長寂寞詩
壇誰與共吟哦江湖獨往情難忍冰雪相看鬢總皤佇聽
嘉聲來闕下玉河還擬竝鳴珂

夢起偶書

秋來歸夢到家園景物分明在眼前
樹挂碧絲榕蓋密籬攢青薊竹城
堅林梢飄葉重堆徑澗水分流亂落
田乞得身閑便歸去看魚聽鳥過幾
年

送人遊嶺南

君行是我來時路贈別因思舊所遊
綠柳春風巢翡翠碧蕪寒雨叫鈎輈
三冬氣暖人揮扇八月天清蜃結樓
風度祠前拜唐相爲言早晚便歸休

送張養正都憲巡撫宣府

清朝邊綸付儒臣坐倚韜鈴護北門
帥閫得人重有范將門生子果如孫
烏臺憲度新威振鸞掖文章舊價存
共喜

禁中頗牧出臨分無惜醉芳尊

楊叔瓛哀輓

弱冠相逢今白頭別來又是十餘秋
他年舟過期重會前日書來未及酬
無命遽成終古訣有才可惜半生休
朝來忽得江南訃老淚臨風不覺流

送董尚矩庶子頒詔朝鮮

天王出震紀新元又值高皇建極年
詔使遠從天上下綸音遙向海東宣
四方專對詩三百兩月經行路五千
好爲天朝全大體篇章珍重莫輕傳

思歸偶書

上文莊公集 卷之十
歐公思穎終歸穎老我懷鄉不得歸剩水殘山俟我久老
妻稚子竟誰依在陰獨鶴鳴無和向晚棲禽倦尚飛手植
故園松與竹綠陰盈畝碧成圍

遊山寺寺僧攜卷求詩因次人韻

暇日來遊祇樹林焚香話久落花深竹光日透成金界鳥
語風傳雜梵音草繡嶺頭成紺髮月沉潭底印禪心老僧
攜卷求詩句乘興揮毫試一吟

朝退偶書

一生辛苦事經綸待得時來志已湮乾鵲結巢寧爲已春
蠶作繭自纏身相逢謾說明朝話自分甘爲此世人強曳

病軀循壁走老來無復舊精神

客有談及家林者偶成

八月秋高露氣涼悲時感物倍思鄉白頭倦值文淵閣清
夢頻歸學士莊椰殼脂凝將滅水椰子出正分房尚方
珍饌經嘗徧却憶家林野味長

重陽 三首

滿城風雨近重陽籬菊含滋欲放香明日陰晴殊未定先
時歡會又何傷茱萸細看今還健竹葉新醅且預嘗幸免
催租人敗興不妨連日醉盃觴 八日

滿城風雨作重陽籬菊滋滋濕更香不用登高狂落帽正

須開口笑傳觴村醪彷彿宜城醞田舍依稀崔氏莊乘興
盡歡同一醉明年誰在又誰在九日

滿城風雨送重陽不獨蜂愁蝶已忙乘興還來聯斷句開
懷重與盡餘觴須知佳節難常遇未必寒花遽減香笑殺
牛山垂淚客逢時不樂却悲傷十日

江行

緩步沙頭散晚愁行隨流水向東流山吞落日紅垂沒樹
接飛雲白暫留暝色入林天向夕涼風飄葉景初秋閒中
却憶滄浪叟高臥忘機對白鷗

迴文

夜宿江館有序

歲庚午歸至金陵寓新河客邸鄉友馮元吉誦未
人周明老龜山迴文詩命予兩和其韻以夜宿江
館爲題明老詩曰潮隨暗浪雪山傾遠浦漁舟釣
月明橋對寺門松徑小檻當泉眼石波清迢迢綠
水連天碧藹藹紅霞映日晴遙望四郊雲接海碧
波千點數鷗輕用意曲折命辭瀏亮信爲難及矣
但其中潮浪浦泉波水等字太多不免重複旣曰
綠水連天而又有雲接海之句一意而兩出矣當
漁舟釣月之時又安得紅霞映日乎

潮生海岸兩崖傾
落月江楓映火明
橋透白波流水遠
屋連紅樹帶霜清
迢迢漏盡寒更曉
片片雲收夜雨晴
遙望蒼天江渺渺
芟蒲盡處落鴻輕

集句

集唐句送魏孔淵御史謫判潼川

鳴玉朝來散紫宸
鳳樓回首落花頻
鷓鴣得路爭先翥
鸚鵡才高却累身
直以疎慵招物議
不趨權勢正因循
只因宋玉閑唇吻
自保曾參不殺人
謾說簡書惟物役
猶將談笑出風塵
眼前好惡那能定
夢裏輸贏總未真
芳草有情皆礙馬
江湖何處不通津
長空淡淡飛鳥滅
客舍青青柳

色新東澗水流西澗水
錦江春似曲江春
長沙不久留才子
莫厭傷多酒入唇

行路難

蜀道難難於上青天
蜀道易易於履平地
行路難不在水不在山
只在人情反覆間

悼亡

芙蓉肌骨綠雲鬟
傷別傷春更萬端
去日漸多來日少
別時容易見時難
春蠶到死絲方盡
滄海揚塵淚始乾
無可奈何花落去
五更風雨五更寒
一別音容兩渺茫
不堪端坐細思量
雲收雨散知何處
燕

語鶯啼亦可傷誰愛風流高格詎我憐貞白重寒芳愁來
欲奏相思曲只恐猿聞也斷腸

歌行

竹林七賢圖

炎精無光蜀儘銷當塗墜地馬蹴槽矯時之枉遂過正棄
置禮法如毫毛太行之陽富脩竹猗猗萬竿似淇澳一天
爽氣風聲清滿地涼陰雲影綠風流醞籍三四子適從何
來聚于此中有一人龍鳳姿土木形骸出泥滓神交一世
皆名賢渾金璞玉人中仙攜琴沽酒對青眼欣然神解皆
忘言或作絕交書或爲大人傳窮爲途中哭同向樹下煨

頌酒有德以酒爲名羣豕每同飲五斗乃解醒寓情廣陵
琴感舊山陽笛黃公爐畔互酣歌廣武觀前閑歎息作者
七賢矣一去不再來荒山旣無舊墟落枯株豈有餘根莖
我觀竹林圖爲作七賢歌晉人曠達尚玄語其源起自王
與何二人開其端七賢爲之倡自從決去禮義防狂瀾頽
波莫能障後人欲知七賢誰稽山兩阮劉子向

題山水

我本山中人老作朝中客玉闕金門非不戀碧水丹丘也
須憶每當騎馬想牽牛幾聽鳴鑿思棹謳夢魂不怕江山
遠夜夜飛歸海上洲欲歸未歸止惆悵偶見新圖心懣快

恍如去國見似人間若逃空間足響上題一塵不到處境
靜人閒多雅趣彷彿疑爲舊所居分明似識會行路記得
山中睡起時倚閣停雲有所思忽然來我平生友心欲急
見嫌舟遲圖中便是心中意風流書史何多致半幅輕綃
萬里思無乃筆端能縮地對此融心神居然念鄉曲江上
愁心千疊山雲間遯迹三間屋憶年十五心尚孩十八年
前曾夢木木已合抱孩白頭某山某水何日重釣遊爾時
江村竹屋下却望紅雲在天際漂渺五城十二樓

剡溪圖

誰人寫此滄州趣邈出高人隱居處千疊坡仙心上山半

壑丁公夢中樹江天漠漠雲悠悠一塵不到境更幽阿誰
青天白日裏却駕山陰乘興舟舟從天際來人倚窻前立
心急恨到遲興盡愁歸亟人生百歲須臾間交游心事千
萬端不如意事十八九朋簪會合良獨難所以豪傑士神
交及千古未見恒相思既見愁遽去幸此太平世有此數
日閑擊舟時相訪罄我平生歡心交苦不多好會亦云罕
如何未相見中道俄然反晉人虛浮固可嗤王戴交誼薄
可知須知朋友五倫一請看此圖歌此詩

詩餘

寄題岳王廟

爲國除患爲敵報仇可恨堪哀顧當此乾坤是誰境界君
親何處幾許人才萬死間關十年血戰端的孜孜爲甚來
何須苦把長城自壞柱石潛摧 雖然天道恢恢奈人衆
將天拗轉回歎黃龍府裏未行賀酒朱仙鎮上先奉追牌
共戴仇天甘投死地天理人心安在哉英雄恨向萬年千
載永不沉埋 右調沁園春

秋思

雲散嶺頭光葉落山形瘦目斷遙空雁不來正是悲秋候
雨點水痕圓風蹙波文皺顧影徘徊落小池頓覺人非
舊 右調生查子

江村

鷺破青林鳧分碧藻江村景致天然好一塵不到萬緣空
人生只合閑中老 古樹巢雲落花繡草四山紗管啼幽
鳥醉來白眼望青天人間別有乾坤小 右調踏莎行

春日會友人梁氏園遊賞

城闕峩峩禁籞重梁家池館闌春風韶光盡在花畦畔生
意都來草徑中 天廣大日從容十分春色萬枝紅醉中
記得西楊語莫待銀蟾生海東 右調鷓鴣天

昔高槎軒作水龍吟詞詠紅竹子誦而喜之欲擬作
一詞未有以起其意者適余友志昂奉常以松雪

翁鈞勒竹卷求題故爲作此詞

佳人空谷隕落猗猗菴淚盡粉乾銷膩玉翠袖僅餘邊幅

吳興公子清狂臨池不學鍾王聖帚掃成飛帛雕鏤金

薤琳瑯 右調清平樂

和東坡韻題赤壁圖

黃州遷客意翩翩不是風塵中物一葉扁舟凌萬頃氣蓋
烏林赤壁孟德雄才周郎妙算到此俱銷雪橫江一笑眼
中誰是英傑 一自兩賦成來山川勝槩倍增輝發鶴夢
簫聲隨水去只有聲華難滅靜對新圖閑歌古句豎起衝
冠髮何時載酒江心重泝流月 右調酬江月

題情懋矣原啓下第

佳人薄命歎紅粉幾多黃土豈是老天擘不管好惡隨人
自取既賦嬌容又全慧性却遭隨凡苦不平如此問天天
竟無語 可惜國色天香隨緣流落飄泊今如許借問繁
華何處在多少樓臺歌舞繁麗春游終窻晚猶過客驚看
撫人生失意從來無問今古

入主與家發來無阻今古

等用與主委也勢憂無畏用者皆屬家無礙既後

宜燕京 何謂國也天香與海山書與你今時皆同

有息而無礙容又全無礙破散而只許不平故也

曰天與命與其轉無老黃土直與天不不存也

以備其安取行不

